

Oktober 2017

NAALAKKERSUISUT  
GOVERNMENT OF GREENLAND



# Umiarsualivinnut Immikkoortumut pilersaarut Kalaallit Nunaanni 2017 - 2027



Orbicon Arctic A/S suleqatigalugu suliarineqartoq  
Namminersorlutik Oqartussanit saqqummersinneqartoq

## **IMAI**

<b>EQIKKAANEQ .....</b>	<b>6</b>
<b>ATUARTUSSANUT ILITSERSUUT .....</b>	<b>9</b>
<b>TUNULIAQUTAQ SIUNERTARLU.....</b>	<b>10</b>
OQALUTTUARISAANERMI TUNULIAQUT .....	10
IMMIKKOORTUMUT PILERSAARUTIP SIUNERTAA.....	11
<b>IMMIKKOORTUMIK PILERSAARUTIP KILLIGEQQUSAI.....</b>	<b>13</b>
INATSISITIGUT KILLILERSUINEQ .....	13
SUMIIFFIMMIK KILLILERSUINERIT .....	13
TEKNIKKIKKUT AQQUTIT KILLILIINERAT .....	14
ANINGAASAQARNIKKUT KILLERITITAASUT.....	14
ASERFALLATSAALEIUNEQ, NUTARSAANEQ ALLILIINERLU .....	15
SIKUKI NUUK HABOUR A/S-MIT KILLERSUUTIGINEQARTUT .....	15
INUIAQATIGIIT ALLAATIGINEQARNERAT .....	15
ASSARTUKKAT ANNERTUSSUSAAT.....	18
<b>Aaqqissugaaneq.....</b>	<b>21</b>
UMIARSUALIVINNUT PISORTAT .....	21
AATSITASSARSIORFINNI UMIARSUALIVINNUT PISORTAQARFIK .	22
NAKKUTILLIINEQ KOMMUNIT UMIARSUALIVIUTAANNIK.....	23
ASERFALLATSAALEIUNEQ ILUARSARTUUSSINERLU .....	23
<b>IMMIKKOORTUMIK PILERSAARUSIAP ALLATTARIARSORNIKKUT SULIASSAI AAMMALU SULEQATISSAT .....</b>	<b>26</b>
SULIASSAT ALLAASERISANUT ALLANUT.....	26
SULEQATIGISALLU SUNNIIIVIGEQATIGIINNEQ .....	27
<b>UMIARSUALIVIIT NALILERNEQARNERAT .....</b>	<b>29</b>
Kommune Kujalleq.....	29
KOMMUNEQARFIK SERMERSOOQ .....	30
Qeqqata Kommunia .....	30

<b>QAASUTSUP KOMMUNIA .....</b>	<b>31</b>
<b>Aserfallatsaaliineq.....</b>	<b>33</b>
<b>PISARIAQARTITSINERIT ALLAT .....</b>	<b>33</b>
ASERUISOORNERIT .....	34
SIOQQANIK MILLUAANEQ.....	34
CONTAINERINIK INISSIISARFIIT PITUTTUUFFISSANILLU PERIARFISSAT .....	35
NAARALAARTITSIVIIT IMARSIORNERMULLU NALUNAAQUTSIUSSAT .....	36
<b>UMIARSUALIVITOQQAT .....</b>	<b>36</b>
<b>UMIARSUALIVIIT NALILERSORNEQARNERI.....</b>	<b>37</b>
<b>PITSANGORSAANISSAMIK PISARIAQARTITSINEQ .....</b>	<b>37</b>
<b>ULLUMIKKUT UMIARSUALIVINNUT IMMIKKOORTORTAQARFIUP         UNAMMILLERNARTITAI.....</b>	<b>38</b>
INISSAALEQINEQ .....	38
ATAQATIGIISSAARINEQ ATORFISSAATA ATORNEQARNERATALU AKORNANNI .....	39
ASERFALLATSAALEIUNEQ.....	39
IMMAP ITISSUSAA.....	40
UMIARSUIT ATORSINNAAJUNNAARNIKUT .....	40
SILAP PISSUSIA .....	42
<b>UMIARSUALIVIIT ALLILERNEQARNISSAANNUT     TULLERIIAARINERIT .....</b>	<b>44</b>
<b>NAALAGAAFFIUP ISIGINNINNERA.....</b>	<b>44</b>
<b>NAMMINERSORLUTIK OQARTUSSAT NALUNAARUSIAAT         SIUMOORTUMILLU PILERSAARUSIAAT .....</b>	<b>45</b>
Nuna tamakkerlugu takornariaqarneq pillugu immikkoortumut pilersaarut 2016-2020 .....	45
KALAALLIT NUNAATA UULIASIORNERMUT AATSITASSARSIORNERMULLU 2014-IMIIT 2018-IMUT PERIUSISSAA .....	46
MITTAQARFEQARFINNUT IMMIKKOORTUMIK PILERSAARUSIAQ ...	47
<b>UMIARSUALIVIIT INERIARTORTINNEQARNISSAANNUT     PIVIUSUUSAARTITSINEQ .....</b>	<b>47</b>

<b>EQIKKAANEQ TULLERIIAARINERNIK .....</b>	<b>49</b>
<b>TULLERIIAARINEQ 1 .....</b>	<b>50</b>
<b>TULLERIIAARINEQ 2 .....</b>	<b>51</b>
<b>SIUNNERSUUT TULLERIIAARINISSAMUT NUTAAMUT .....</b>	<b>53</b>
<b>NAMMINERSORLUTIK OQARTUSSAT UMIARSUALIVIUTAAT</b>	
<b>ATAANNARTUSSAT .....</b>	<b>53</b>

## **ILANNGUSSAT**

- Ilanngussaq A. Nuna tamakkerlugu umiarsualivinnut immikkoortunut pilersaarummut ilaasunut takussutissaq.
- Ilanngussaq B. Kommune Kujallermi sanaartornermut takussutissaq.
- Bilag C. Kommuneqarfik Sermersumi sanaartornermut takussutissaq.
- Ilanngussaq D. Qeqqata Kommuniani sanaartornermut takussutissaq.
- Ilanngussaq E. Qaasuitsup Kommuniani sanaartornermut takussutissaq.
- Ilanngussaq F. Aserfallatsaaliiinissamut nunap agguarneqarnera.
- Ilanngussaq G. Sanaartornermik suliassanik pingaarnersiuineq.

## **EQIKKAANEQ**

Namminersorlutik Oqartussat 2014-ip ingerlanerani pilersaarutit arlaqartut aallartittarpaat suliassaqarfinnut arlaqartunut, taassuma ataani suliassaqarfik umiarsualivinnut tunngasoq. Umiarsualivinnut immikkoortumut pilersaarut umiarsualivinnut isumaginnitoqarfip najoqqutaralugulu aallartiffisarpaa, saniatigut qanoq issutsimik takussutissaq aammalu umiarsualiviit ineriartortinnejarnissaannut takorluukkat. Pilersarusiap ataatsimoortumik isumaginnitoqarfik takussutissiarissavaa aammalu ataatsimoortumik aalajangiinssamut toqqammavissatut atorneqarsinnaalluni siunissami nunatta umiarsualiviisa ineriartortinnejarnissaannut.

Umiarsualiviit ingerlanneqarnerannut aserfallatsaaliorneqartarnerannullu ingerlatsiinnarnissamut aalajangiisooqataalluartut tassaapput sumiiffinni inuit amerlassusaat, inuussutissarsiutit ingerlanneqartut aammalu ineriartornissamut alliartornissamullu periarfissat qanoq isikkoqarnersut, taamaalillunilu assartugassat annertussusaat sumiiffinni pineqartuni.

Oqaluttuarisaaneq eqqarsaatigalugu Kalaallit Nunaani umiarsualiviit qitiusorujussuupput. Aalisarneq tassannga aallaaveqarpoq assinganillu atuuppoq nioqquqtsanik assartuisarneq innuttaasunut inuussutissarsiutinullu assigiinngitsunut – ilaa sortaatit, assartuinerrik suliffeqarfii, sanaartugassanik suliassinneqartartut aammalu minnerunngitsumik takornarianik angallassisartut angallatinik angallassillutik umiarsualivinnik atuisartut il. il.

Umiarsualiviit nunaminertarisaallu ineriartortinnejarnikuusimapput ataatsimut pilersarusiaanngitsumik aalajangersimasumillu pilersaarummik malitaqarsimanatik. Taamatut ineriartorsimanerat ullutsinni unammillernartumik kinguneqartitsisarpoq oqaluttuarisaanermi pilersarusiaanngitsumik sananeqartarsimaneri pissutaalluni aammalu umiarsualiviit assersuutigalugu pisoqalisimasut ingutsigassaannangorsimasullu piliarneqartanginneri pissutaallutik. Ullumikkut taakku umiarsualivittut suli ingerlanneqarput ineriartortsinissamullu killilfersuisuusarlutik illoqarfinni nunaqarfinnilu amerlasuuni. Taakku pissutigalugit Immikkoortumut Pilersaarut periarfissiivoq umiarsualivinnik ingutserisinnaanermik aammalu umiarsualiviit kommuninut imaluunniit suliffeqarfinnut namminersortunut ingerlateqqinnejarnissaannut periarfissiilluni.

Ullumikkut inuussutissarsiuteqarfii sanileriiaarlutik umiarsualivinniittarput sumiiffinnilu amerlasuuni inissaaleqisoqarpoq. Taanna pissutigalugu Immikkoortumut pilersaarummi umiarsualivinnik umiarsualiveqarfinnillu alliliinissamut periarfissat

ilanngunneqarput misissuisimancerit nalilersueqqissaarnerillu pioreersut najoqqutaralugit.

Namminersorlutik Oqartussat kommunillu umiarsualivinnik ineriartortitsinissaminut takorluugaqarput. Immikkoortumut pilersaarusiap anguniagaasa ilagaat isumannaassallugu siunissami umiarsualiviit ataasiakkait allanut ingerlanneqarsinnaanngornissaat periarfissat pitsaanerulersinniarlugit. Ataatsikkullu Namminersorlutik Oqartussat inuaqatigiinnut akisussaaffitsik attatiinnarlugit illoqarfinni nunaqarfinnilu tamani tassungalu umiarsualiviit pigineqartut. Inuaqatigiinnut akisussaaffiit tassaapput pilersuisussaaneq, nioqqtissanik assartuineq, inuussutissarsiornermut tunngassusilimmik umiarsualiviit atorneqarnerat, taassumalu ataani aalisarnermut, takornariaqartitsinermut aammalu ilaasortaatinik inunnik angallassisarnerit.

Innersuutigineqarpoq aserfallatsaaliuisarnermut pisariaqartitat annikillisinneqassasut umiarsualivinnik pisoqalisimasunik ingutserinikkut aammalu allanut ingerlatassanngorlugit tunniussinikkut, umiarsualivinnik tulleriaarinermi salliuinneqarsimanngitsut Namminersorlutik Oqartussat inuaqatigiinnut akisussaaffiannut atugassat eqqarsaatigalugit.

Inatsisartut inatsisaata nr. 9, 3. juni 2015-imeersup akuerineqarneratigut Namminersorlutik Oqartussat kisimik umiarsualivinnik piginnittuunerannit allat piginnittuullutilu ingerlatsisinnaanissaannut periarfissiisoqarpoq. Taamaammat Immikkoortumut pilersaarusiap takutippaa umiarsualivilinnut oqartussaasuniit periarfissat allat, aamma suli Namminersorlutik Oqartussanit pigineqartut umiarsualiviit.

Piffissami ungasinnerulaartumi (ukiut 2-5) ungasinnerusumilu (ukiut 10 + ungasinnerusorlu) Namminersorlutik Oqartussat ineriartortitsinissaminut periarfissatik isiginiaassavaat, aalajangiinissaminut tunngavissaat atutissappata inuaqatigiinnut aammalu alliartornissamut periarfissat. Taassuma saniatigut inuaqatigiit aningaasaateqarnerata siunnersuutigippagit aammalu aningaasaliinerit pisinnaappata. Piffissami ungasinnerulaartumi umiarsualiviit tulleriaarinermi salliuinneqarsimasut piginnaasaanik naleqqussarsinnaanissannik pigisaqartariaqarput, tassa imatut paasillugu inuussutissarsiutit pingarnersiukkat ineriartortissinnaanngorlugit, uani minnerunngitsumik takornariaqarnermik inuussutissarsiorneq pineqarpoq. Piffissami tassani aamma umiarsualivinnik naleqqussaaneq ineriartortitsinerlu isiginiarneqassapput umiarsualivinnik isumaginnittoqarfimmit, iluarsartuussinissamik

ingutserinissamillu aaqqissuuussaalluartumik ingerlatsinikkut inuiaqatigiit aammalu  
ineriartornissamut periarfissat aallaavigalugit.

Aatsitassarsiornissamut periarfissat Namminersorlutik Oqartussat  
aatsitassarsiornissamut pilersaarusaanni 2014-2018 allassimasut periarfissiippuit  
umiarsualivinnik alliliinissanik ineriertortitsinissanillu nunap ilaani arlalinni. Nunap  
qeqqani avannaanilu uuliasiornermik ingerlatsisut umiarsualiviit ineriertornissaannut  
nukiupput. Nunap kujataani aatsitassarsiortut periarfissiippuit umiarsualiviornissanut,  
nalinginnaasumik nioqqutissanik assartuisarnernut pilersuinerellu  
ataqatigiissaarneqarsinnaasunik.

Immikkoortumut pilersaarusiap kaammattutigaa umiarsualiviit nutaamik  
pingaarnersiuilluni tulleriaarneqassasut, taamaasilluni nutaamik umiarsualivinnut  
pilersaarusaqalerluni. Taamaasiorneq aningaasatigut inissaqartitsilissaaq  
nutarterinissamut minnerunngitsumillu aserfallatsaaliuinissamut umiarsualivinnut  
pioreersunut.

## **ATUARTUSSANUT ILITSERSUUT**

Umiarsualivinnut immikkoortumut pilersaarut immikkoortunut pingasunut avinnejqarsimavoq:

*Immikkoortoq 1-imi* nassuiarneqarpoq immikkoortumut pilersaarutip najoqqutai. Immikkoortumi uani atuarneqarsinnaavoq immikkoortumut pilersaarutip tunuliaquataa siunertaalu. Aammattaaq immikkoortumut pilersaarummut killiliunneqarsimasut nassuiarneqarput. Saniatigut aaqqissuussaanera, allagaatinut allanut sunniivigeqatigiinnerit aammalu suleqatigisat/niueqatigisat allaaserineqarlutik.

*Immikkoortoq 2-p* ullumikkut umiarsualivinnut isumaginnittoqarfik misissorpa aammalu aserfallatsaaluiuinermi pissutsit umiarsualiviillu qanoq innerannik oqaluttuarluni.

*Immikkoortoq 3-mi* siunissami takorluukkat anguniakkallu nassuiarneqarput. Takorluukkat pingarnerit tullinnguullugulu piffissami qanittumi, aggersumi siunissamilu anguniakkat nassuiarneqarput. Tullinnguullugu nassuiarneqarpoq pisortat aaqqissuussaanerat aammalu aatsitassarsiornermut attuumassutilinnik suliat. Naggataatigut umiarsualiviit Namminersorlutik Oqartussanit tulleriissaarneqarnerinut allannguinissamut siunnersuut taaneqarluni.

## **IMMIKKOORTOQ 1. IMMIKKOORTUMUT PILERSAARUTIP TUNULIAQUTAA**

### **TUNULIAQUTAQ SIUNERTARLU**

Immikkoortumi uani nassuarneqarpoq umiarsualiviit ineriarnerisa oqaluttuassartaat aammalu immikkoortumut pilersaarutip anguniagai.

### **OQALUTTUARISAANERMI TUNULIAQUT**

1800-kkut naalerneranili umiarsualiviit annertuumik nunatta ineriarneranut sunniuteqaqataasimapput taannalu ilutigalugu Kalaallit Nunaanni umiarsualiviit ukiuni kingullerni 100-ni pitsangorsarneqarsimapput sineriak tamakkerlugu.

Massakkuugallartoq umiarsualiviit arlallit pilersinneqarsimapput nioqquqtiisanik pilersuinissaq illoqarfinnut nunaqarfinnullu anguniarlugu, tullinnguullugulu pilersinneqarsimapput aalisarneq pillugu. 1900-kkut ingerlaneranni aalisarneq pingaaruteqarnertut aalajangiisuusarsimavoq umiarsualiviit inerartortinnejqarnerannut. Piffissami nutaajunerusumi umiarsualiviit illoqarfinniittut nunarfinniittuullu amerlanngitsunik ilaneqarsimapput aatsitassarsiorfeqarfinnut attuumassuteqartunik. Assersuutigalugu taaneqarsinnaapput Maarmorilimmi bly/zink-imik aatsitassarsiorfik Kalaallit Nunaata avannaani aammalu Seqi olivin aatsitassarsiorfik Kalaallit Nunaata qeqqani.

Inerartorneq pilersaarusaanngitsumik ingerlasimavoq pissutsinut malinnaaginnarnikkut. Taamatut inerartorsimancerat ullutsinni unammillernartumik kinguneqartitsisarpoq pissutigalugu pisariaqartitsinerit allanngorsimammata taavalu umiarsualivitoqqat ullutsinnut naleqqukkunnaarsimallutik umiarsuarnut nutaaliasunut sanilliullugit. Pisariaqartitsinerup atuisartullu allanngorsimancerat aamma peqquataaqataapput. Saniatigut nunap assingisigut umiarsualiviit nalunaaqutsersorneqarneq ajorsimapput massakkullu iluamik uppernarsaatissartaqanngitsunik umiarsualiviit eqqaat allattorsimallutik.

Umiarsualiviit pisoqalisimasut imaluunniit ingutsiinnagassanngornikut iluarsagassanut aningaasaliissutaasimasunut oqimaatsumik sunniuteqartarpoq. Umiarsualiviit nutaannginnerit ilaat eqqisisitaanikutut nalilerneqarsinnaapput, tassa allanngortinneqaqquaanatillu nutarterneqaqquaanngillat ullutsinnut naleqqussarlugit.

Ullumikkut umiarsualivinni nioqquqtiisanik assartuisarneq aalisarnerlu suli inuussutissarsiutitut pingaarnertut ingerlapput. Nioqquqtiisan Kalaallit Nunaannit

avammut akigineqartartuni aalisakkanik nioqquteqarneq annertunerpaavoq, politikkikkullu salliuutinneqarpoq aningaasatigut isertitsivissaanera pissutigalugu. Inuussutissarsiutilli allat aamma ajunngitsumik ingerlapput aalisarnerup saniatigut umiarsualivinni. Takornariaqarnikkut inuussutissarsiutit suli annertusiartortumik soqtigineqarput aningaasarsiorluarfissatullu periarfissiilluni Kalaallit Nunaanut. Sumiiffinni aalajangersimasuni inunniq angallassisarneq Namminersorlutik Oqartussallu sullissinikkut isumaqatigiissutaasoq aamma umiarsualiviit tulattarfittut atortarpaat. Innuttaasut aalajangersimasut aammattaaq aalajangersimasumik oqartussaaffeqarsinnaasarpum umiarsualivinnut. Saniatigut sanaartugassanik suliassinneqartartut arlalippassuit umiarsualiviit atortarpaat suliaminnut aallaavittut. Ataatungaani immikkoortumi allaaserineqarpoq umiarsualiviit ullumikkut tunngavissalerneqarnerat, aaqqissuussaanerat aammalu aqunneqarnerat. Tassani soqtiginaatillit pingaarnerit ilisarineqarput taakkulu umiarsualivinnik qanoq atuiniarnersut soqtiginninnerallu umiarsualiviit ineriartortinnejarnissaannut.

## IMMIKKOORTUMUT PILERSAARUTIP SIUNERTAA

Ullutsinni nioqqutissanik assartuinermut aammalu aalisarnermut umiarsualivinnik pisariaqartitsinerup saniatigut inuussutissarsiutit allat atuisinnaanissaat pisariaqartinnejalersimavoq. Takornariaqarnermi, aalisarnermi aammalu aatsitassarsiornermi periarfissat annertusiartornerisa kingunerisaanik umiarsualiviit assigiinngitsunut atorneqarsinnaasut pisariaqartinnejalerput piffissap sivikitsup iluani.

Immikkoortumut pilersaarutip siunertaraa 2026-p tungaanut atuuttussamik anguniagassanik killissanillu saqqummiussinissaq. Namminersorlutik Oqartussat inuiaqatigiinnut aningaasaateqarnera aallaavigalugit immikkoortortaqarfiup iluani. Taamaaliornikkut umiarsualivinnut pisariaqartitsinerit nutaat ineriartortinnejarsinnaalissapput ukiut 0-2, 5 aammalu +10 iluanni ingerlatsinikkut.<sup>1</sup>

Siunertat killigititaasullu tulleriaarneqarsimapput pingaarnersiuinikkut Namminersorlutik Oqartussat inuiaqatigiinnut pisussaaffiat najoqqutaralugu allannguinani imaluunniit annikitsuinnarmik allannguinikkut<sup>2</sup> "multi-purpose"-mut. Uani pineqartut immikkoortumut pilersaarusiami kingusinnerusukkut allattorsimapput. Imatut paasillugu umiarsualiviit ilanngullugit taaneqarsimannngitsut

<sup>1</sup> Namminersorlutik Oqartussat inuiaqatigiinnut aningaasaateqarnera umiarsualivinnut immikkoortumut pilersaarusiami inatsisitigut tunngavissat ataani atuarneqarsinnaavoq.

<sup>2</sup> "Multi purpose" – umiarsualiviup assigiinngitsunut atorneqarnera, uumap ataani aalisarnermut, takornariaqarnermut il.il.

akiginiarneqarsinnaalissasut imaluunniit pisortaqarfinnut soqutiginnittunullu allanut ingerlateeqinnejqarsinnaalissasut. Namminersorlutik Oqartussat umiarsualiviit allattorsimaffimmut ilanngussimanngisaat ilaat ingutsiinnarneqarsinnaassapput. Inuussutissarsutiissatut soqutigineqanngikkunik ukiut quilit sinnerlugit ingerlaneranni ingutserneqartarsinnaapput arlaleriarluni piffissap sivisuup ingerlanerani.<sup>3</sup>.

Immikkoortumut pilersaarasiap umiarsualivinnut isiginninnerata saniatigut aammattaaq umiarsualivinnut oqartussat isiginiarneqassapput, siunissamimi takorloorneqarsinnaavoq umiarsualivinnut oqartussat amerlineqarsinnaasut ullumikkornit sanilliullugit. Tapertatut pisortani umiarsualivinnut oqartussat saniatigut siunissami kommuneqarfinniit namminersortuniillu ingerlatsisoqalersinnaavoq umiarsualivinnut inatsisit allanngortinneqanngippata. Uani isiginiarneqaqqippoq Namminersorlutik Oqartussat inuiaqatigiinnut pisussaaffiat.

---

<sup>3</sup> Piffissaliussaq ukiut 10-t sinnerlugit tulleriaarinermut aserfallatsaaliuinermut aningaasaliissutinit ingutserinissaq akilerneqartassaaq.

## **IMMIKKOORTUMIK PILERSAARUTIP KILLIGEQQUSAI**

Immikkoortumi uani immikkoortumik pilersaarutip killiliussai erseqqissarneqarput aammalu tamakkiisumik pilersaarusrusiornermi allakkakkut upernarsaatit.

## **INATSISITIGUT KILLILERSUINEQ**

Umiarsualivinnut Immikkoortumik pilersaarutip umiarsualiviit ullumikkut Namminersorlutik Oqartussanit pigineqartut tamaasa ilannguppai. Umiarsualivinnut taakkununnga takussutissaq ilanngussaq A-mi ilaavoq. Tunngaviit immikkoortumut pilersaarusiami uani nassuiardeqartut taamaasillutik taamaallaat umiarsualiviupput umiarsualiveqarneq pillugu *Inatsisartut inatsisaat nr. 9, 3. Juni 2015-imeersumut (umiarsualiveqarnermut inatsit) attuumassutilit.*

Umiarsualivinnut immikkoortumik pilersaarusiami killigititaasut inuaqatigiinnut pingarnertut pisussaaffinnut sammitinneqarput, Namminersorlutik Oqartussat umiarsualivinnik isumaginninnissaat malillugu, sorleq usinik tigooraaviussanersoq aamma usilersuiffiussanersoq, aalisarnermik inuussutissarsiutilinnik sullissineq kiisalu imaatigut ilaasunik angallassisunik sullissineq.

Aatsitassanut Ikummatissanullu Aqutsisoqarfiup aatsitassarsiorfinni umiarsualiviit illoqarfiit nunaqarfiillu avataaniittut akisussaaffigivai *Aatsitassat pillugit tamatumunngalu pingaarutilit pillugit Inatsisartut inatsisaanni nr. 7, 7.*

*decembarimeersoq naapertorlugu* (Aatsitassanut ikummatissanullu inatsit).

Siuinissami pilersaarutit imaluunniit allannguinissat ukunani umiarsualivinni pineqartuni uani Immikkoortumik pilersaarummi ilaannigillat, Aatsitassanut ikummatissanullu inatsit malillugu ingerlanneqarput.

## **SUMIIFFIMMIK KILLILERSUINERIT**

Umiarsualivinnut Immikkoortumik pilersaarutip imaraa umiarsualivinnut pisortat isumagisaat. Tassa umiarsualiviit eqqaat, tulattarfiit imartaat tulakkiartornermilu aqqutaasartut NunaGis-imi nalunaaqtsorsorneqarsimasut.

Oqaatigineqassaaq, Namminersorlutik Oqartussat aamma nunaminertanik allanik umiarsualiviit eqqaaniittunik, umiarsualivinnut oqartussaqarfiup isumagisassaasa avataaniittunik akissussaaffeqarlutilu aserfallatsaaliiinissamut isumaginnittussaammata. Uani pingarnertut taaneqassapput containerinik inissiisarfiit, naaralaartitsivinnik imarsiotunullu nalunaaqutsiiffiusunut sumiiffiit illoqarfinni nunaqarfinnilu il.il.. Taakkununnga aserfallatsaaliiisarneq

iluarsaassisarnerillu ukunani suli Aningaasanut inatsimmi kontomit 87.73.12 umiarsualivinnut aserfallatsaaliuinermut aningaasalersorneqartarpog.

## **TEKNIKKIKKUT AQQUTIT KILLILIINERAT**

Namminersorlutik Oqartussat umiarsualivinni umiarsualiviillu eqqaanni teknikkikkut aqqutit piginagillu ingerlatinngilaat<sup>4</sup>. Taamaammat assersuutigalugu kranit, kivitsissutit, erngup, sarfap oliallu aqqutaat, qullilerfiit umiarsualivinni qaammaaqqaasartut aserfallatsaalineqarnissaat Aningaasanut inatsit aqqutigalugu akilerneqarneq ajorput<sup>5</sup>.

Aningaasanut inatsit imaqarpoq allattorsimaffimmik umiarsualiviit sorliit aammalu teknikkikkut aqqutit sorliit Namminersorlutik Oqartussat ingerlatinnginneraat. Allattorsimaffik nassaarineqarsinnaavoq Aningaasanut inatsisip ataani aningaasat atorneqartussatut akuerineqarsimasut konto 87.73.12-p iluani. Allattorsimaffik ukuninnga assersuutigalu imaqarpoq: Oliamik pilersuinermut umiarsualiviit taassumalu iluani Kangerluarsorusermi umiarsualivik (Færinge-havn) Polaroil-imit pigineqarlunilu ingerlanneqartoq. Taakkua saniatigut taaneqarsinnaapput naaralaartitsiviit kisarfisanut nalunaaqquttat ussersortarfiit eqqaanni, umiatsiaaqqanik aalisartut tulattarfiat aammalu sunngiffimmi inuinnarnut tulattarfiit.

## **ANINGAASAQARNIKKUT KILLERITITAASUT**

Umiarsualiveqarfinnik aserfallatsaaliineq konto pingarneq 87.73.12 Umiarsualivinnut talittarfinnullu aningaasaliissutit (Sanaartornermut aningaasaliissutit) aamma 87.73.10 umiarsualivinnut (umiarsualivinnut) 2016-imi aningaasaliissutit aqqutigalugit 25,2 mio. kr.-nik aamma 2,5 mio. kr.-nik aningaasalerneqarpoq. Tassunga ingerlatsinermut aningaasaliissutit 72.20.07 (nakkutilliineq misissuinerlu, angallanneq) aamma

---

<sup>4</sup> Naaralaartitsiviit, imarsiornermut nalunaaqutsiussat naledqersuinermilu nalunaaqutsersukkut illoqarfiit nunaqarfiillu eqqaanniittut minillugit. Illoqarfiit nunaqarfiillu avataanniittut immakkut aqqutit nalunaarsorneqarneri aserfallatsaaliuisarnerillu Danmarkimi imarsiornermut aqutsisoqarfimmit ingerlanneqarput.

<sup>5</sup> Eqqaaneqassaaq Namminersorlutik Oqartussat illua tungaatigut ajorineq ajoraat soqtiginnittut teknikkikkut umiarsualivinni ikkussuigaangata umiarsualivinnut oqartussaasut pigisaanniittuni. Ikkussuinissaq Namminersorlutik Oqartussanut qinnuteqaateqarnikkut pisinnaavoq, aserfallatsaaliinissamut pisussaaffimmik ilaatigut ersersitsineq, piginninnermut pissutsit aammalu atuiunnaarnermi ingutserineq pisariaqassappat.

umiarsualiveqarnermut oqartussaqarfimmik ingerlatsinermut aningaasartuutinut atorneqassapput.

2016-imi ukiunilu aggersuni aserfallatsaaliinissamut aaqqiissutissat aningaasatigut killingat allanngortinnejarnikuunngilaq.

### **ASERFALLATSAA LIUINEQ, NUTARSAANEQ ALLILIINERLU**

Umiarsualivinnut Immikkoortumik pilersaarusiap immikkoortippaa aserfallatsaaliineq/nutarsaaneq aammalu alliliineq umiarsualivinnik.

Immikkoortumik pilersaarusiap immikkoortua siulleq massakkuugallartumik umiarsualivinnut pilersaarusiamic aallaaveqarpoq. Erseqqissarneqartoq tassaavoq, umiarsualiviit nutarsarneqarsinnaapput, pitsangorsarneqarsinnaapput naleqqussarneqarlillu atoruminarnerulersillugit ullaitsinnullu naleqqunnerulersillugit aningaasat atorneqartussatut akuerisat annertussusaat annertunerusumik allanngortinngikkaluarlugu.

Immikkoortumik pilersaarutip immikkoortua aappaani nunatsinni umiarsualiviit, pisariaqtitat aammalu alliliinissamut kissaatigineqartut misissorneqarsimapput Namminersorlutik Oqartussat nalunaarusiaannik aammalu siumut isigaluni siunnersuinerit pioreersimasunit aallaaveqartunik. Umiarsualiviit ilaat ilanngunneqarsimanngillat suli isumassarsiaannaammata sulilu iluamik nalilersorneqarsimanatik.

### **SIKUKI NUUK HABOUR A/S-MIT KILLERSUUTIGINEQARTUT**

Inatsisartut 2013-mi ukiakkut katersunneranni aalajangerneqarpoq Nuup umiarsualivia Sikuki Nuuk Harbour A/S-imit ingerlanneqalissasoq, tassa Nuup umiarsualivia ingerlanneqarlunilu pigineqalissaq Sikuki Nuuk Harbour A/S-imit 1. juli 2016-imi. Taamatut pisoqarnissaa najoqqutaralugu Namminersorlutik Oqartussanit pigineqartut umiarsualiviit Immikkoortumik pilersaarusiamic ilaannaat ilanngunneqarsimapput 2016-ip tungaanut.

### **INUIAQATIGIIT ALLAATIGINEQARNERAT**

Inuaqatigiit ineriantornerat aammalu inuit amerlassusaata nikerartarnerat pillugu Naatsorsueqqissaartarfimmit kisitsisit soqtiginarsinnaasut ataani allattorsimapput.

Inuiaqatigiit ilusilersorneqarnerisa takutippaat nunaqarfiiit amerlanerpaartaat illoqarfiiillu arlallit milliartortut. Nunaqarfiiit marluk pingajorarterutaat (2/3) qimagarneqarlutik misigivaat illoqarfiiillu affangajaat aamma taamatut misigalutik.<sup>6</sup>.

Missingersuutit takutippaat ukiut 10-t ingerlaneranni illoqarfinni aamma nunaqarfinni arlalinni najugallit suli appariartuuteqassasut, tamanna aamma umiarsualiviit atorneqartarnerannut sunniuteqangaatsiassaaq. Missingersuutit najoqqutaralugit ukiuni 10-ni aggersuni umiarsualiviit atorneqartarnerisa ilusilersorneqarnerat allanngugaatsiarsinnaavoq piffinni aalajangersimasuni innuttaasut ikiliartuinnartillugit.

Ataani takussutissiani marlunni takuneqarsinnaapput Kalaallit Nunaani Kommuneqarfinni sisamani nunaqarfiiit illoqarfiiillu innuttaasuisa amerlassusaata ineriartornerat. Takussutissiat erseqqisumik takutippaat nunaqarfinni innuttaasut ikileriagaatsiarsimasut, ingammik Kommune Kujallermi aammalu Kommuneqarfik Sermersumi. Ataatsimoortumik isigalugu kommuneqarfiiit pingasut malugaat nunaqarfinni innuttaasut ikileriarsimasut, kisitsisitigut illoqarfinnut nutserarlutik. Kommuneqarfik Sermersooq kisimiilluni kommunini amerliartupilooriuvoq, taannalu peqquteqarpoq Nuummut nutserarerujussuaq kommunit sinneriniit. Tasiilaq aamma Kommuneqarfik Sermersuumiittoq nutserarfingineqarportaaq nunaqarfinnit eqqaaniittunit.

Takussutissiaq 1. Nunaqarfinni innuttaasut amerlassusaata ineriartornerat 2004-2014 (najoqqutaaq: Naatsorsueqqissaartarfik)

Kommuni	2004	2014	Procent +/-
Kujalleq	1.337	876	-34,48
Sermersooq	1.751	1.353	-22,73
Qeqqata	1.482	1.382	-6,75
Qaasuitsup	4.786	4.067	-15.02

Takussutissiaq 2. Illoqarfinni innuttaasut amerlassusaasa ineriartornerat 2004-2014 (najoqqutaaq: Naatsorsueqqissaartarfik)

Kommuni	2004	2014	Procent +/-
Kujalleq	6.412	6.056	-5,55
Sermersooq	18.554	20.863	11,07
Qeqqata	8.130	8.054	-0,93
Qaasuitsup	13.778	13.224	-4,02

<sup>6</sup> Nordregio eqikkaaneq, 2011: Nunatta kommuuniini najugaqarfinnut qanoq issutsinut takussutissiaq nunaqarfiiit immikkut ittumik samminerullugit.

Ataatsimoortumik isigalugu Kommune Kujalleq aammalu Qaasuitsup Kommunia inuerukkiartornerpaapput. Naatsorsueqqissaartarfiup kisitsisaatai malillugit Kommuni Kujallermi 1990-imi innuttaasut 8.363-iusimapput 1. januar 2014-imi 7.088-iullutik.

Nuna tamakkerlugu inuit akornanni nuuttarneq annertuvoq. Nuuttarnerit annerpaartaat illoqarfinnut annerit tungaanukartuupput. Saniatigut aamma takuneqarsinnaavoq illoqarfiiit mikinerit ilai nunaqarfeerarpassuallit nunaqarfimmuunit nutserarfingineqartut, soorlu Nanortalik<sup>7</sup> aamma Kangaatsiaq. Assinganik pisoqarpoq nunaqarfinnut anginerni, assersuutigalugu Kullorsuarmi.

Ukiut 10-t kingullit ingerlaneranni nunaqarfinniit nutserartoqangaatsiarsimanera ilutigalugu "naatsorsorluarneqarsinnaavoq"<sup>8</sup> ukiuni 10-ni aggersuni nutserarneq qanoq isikkoqassanersoq. Takussutissiami ataaniittumi nunaqarfinni innuttaasut amerlassusissaasa 2014-imiit 2024-mut missingersorneqarnerat takuneqarsinnaavoq.

Takussutissiaq 3. Nunaqarfinni innuttaasut amerlassusaasa ineriarornerat 2014 - 2024 (najooqtaq: Naatsorsueqqissaartarfik)

Kommuni	2014	2024	Ikileriarnissamut naatsorsuutit
Kujalleq	876	574	-302
Sermersooq	1.353	1.045	-308
Qeqqata	1.382	1.289	-93
Qaasuitsup	4.067	3.456	611

Takussutissiami qulaani takuneqarsinnaavoq nunaqarfiiit arlallit nuna tamakkerlugu 2024-mi innuttaasukittuaranngorsimasinnaasut.

Assersuutigalugu Naatsorsueqqissaartarfiup takutippaa Kommune Kujallermi nunaqarfinnit 11-nit 50-nik ikinnerusunik innuttaasoqartut, minnerpaaq 25-nik innuttaasoqarluni. Ukiut qulit kingullit ingerlaneranni nunaqarfimmuut illoqarfinnut nutserartupilussuu simapput, nunaqarfiillu arlallit 20-50-it missaannaannik innuttaasoqalersimallutik. Ukunani nunaqarfii pineqartut tassaapput Qassiarsuk (25), Igaliq (33), Ammassivik (34), Saarloq (35) aamma Qassiarsuk (48). (Kisitsisit 1. januar 2014-imeersuupput Naatsorsueqqissaartarfimmuiit.)

Kalaallit Nunaat tamakkiisumik isigalugu aamma innuttaasut amerlassusaat ikiliartorput. Kisitsisit imatut isikkoqarput Naatsorsueqqissaartarfimmuiit 1. januar

<sup>7</sup> Kujalleq Nalunaarusiaq, Greenland Venture, 2009.

<sup>8</sup> Nunatsinni nuttarsinnaaneq, Eqikkaasumik misissueqqissaarneq, februar 2010


2005-imi 56.969 innuttaasoqarsimavoq, 1. januar 2014-imi 56.282-inik innuttaasoqarluni.

## ASSARTUKKAT ANNERTUSSUSAAT


Ataatsimoortumik isigalugu assartukkat annertussusaat malunnartumik annikilleriarsimapput ukiut kingulliit iluanni. Annikillisimancerat nuna tamakkerlugu agguarsimavoq ataani lu takussutissiami 2-imi atuarneqarsinnaavoq assartukkat annertussusaat kommunikkaarlugit ukiuni 2001-2014.

Misissukkani ataani takuneqarsinnaavoq assartukkat annertussusaat, containerit amerlassusiginngilaat tassami containerinik kivitsisarnerup amerlassusii ersersissinnaanngilaa assartukkat annertussusiviat.

Iloqarfinni innuttaasut amerlassusaat malillugit assartukkat annertussusaat allanngorarput. Takussutissiami ataani takuneqarsinnaavoq assartukkat annerpaartaat Nuummut Sisimiut ilu ingerlasartut.




Qulaani takussutissap saqqummiuppa assartukkat annertussusaat umiarsualivinnut anginernut 13-iunut 2014-imi RAL-ip ingerlataanut. Ataani takuneqarsinnaavoq assartukkat annertussusaat kommunini sisamani piffissap 2001-2014 iluani.



Takussutissiaq 2. Ataatsimoortumik illoqarfinnut assartukkat annertussusaat m<sup>3</sup>-inngorlugit kommuninut aggarlugin piffissami 2000-2014. Najoqputaq: RAL.

Nunaqarfiit isigalugit erseqqarippoq assartukkat annertussusaat Qaasuitsup Kommuniata nunaqarfiinut ingerlateqqitassat annertunerpaasut. Kommunemi amerlanerpaanik nunaqarfearpoq kommuneqarfinnut allanut sanilliullugu. Ataani takussutissiaq 3-p takutippaa assartukkat annertussusaat Kommune Kujalliuup nunaqarfiinukartartut 2006-imili annikillartorsimasut. Nunaqarfinni innuttaasut ikiliartornerat malillugu aammattaaq qulaani kommuni taaneqartoq taamatut sunnerneqarpoq.



Takussutissiaq 3. Ataatsimoortumik nunaqarfinnut assartukkat annertussusaat m<sup>3</sup>-inngorlugit kommuninut aggualugit piffissami 2000-2014. Najoqquataq: RAL.

## **AAQQISSUGAANEQ**

Immikkoortumi uani nassuiarneqarpoq umiarsualivinnut oqartussaasut aaqqissuunneqarnerat aammalu kommunikkaarlugit siumut isigaluni pilersaarusiornert umiarsualivinnut aserfallatsaaliiñermut.


Umiarsualivinnut oqartussat agguarnikuupput Namminersorlutik Oqartussat umiarsualiviutaannut nunaqarfinni illoqarfinnilu ukuusunit isumagineqartut Attaveqaqatigiinnermut Naalakkersuisoqarfimmit, umiarsualivinnut inatsit najoqqutaralugu, aammalu aatsitassarsiornermut atatillugu umiarsualiviit Aatsitassanut Naalakkersuisoqarfiup isumagisai, aatsitassaqarnermut inatsit najoqqutaralugu. Kommuneqarfinni oqartussat isumagisaraat kommunip umiarsualiviutai, umiarsualiviit anginerit ikittuinnat, talittarfiit mikinerit aammalu niusarfiit puttasut ingerlataralugit, kommuninut piginnaatitaaffiit najoqqutaralugit.

Umiarsualiviit aserfallatsaalineqartarnerat aammattaaq avinneqarnikuovoq. Aserfallatsaaliiñissamut iluarsartuussinissamullu tunngatillugu Attaveqarnermut Naalakkersuisoqarfiup nunaqarfinni illoqarfinnilu umiarsualiviit akisussaaffigivaat, umiarsualiviit aatsitassarsiorfeqarfinniittut Aatsitassanut Naalakkersuisoqarfiup akisussaaffigivaat aammalu kommuninit aqunneqartut umiarsualiviit kommuneqarfiiit akisussaaffigalugit.

## **UMIARSUALIVINNUT PISORTAT**

Namminersorlutik Oqartussat qitiusumik umiarsualivinnut pisortat oqartussaaffigivaat. Sumiiffinni aalajangersimasuni umiarsualiviit aqunneqarnerannut aalajangersaasinnaapput. Qitiusumik umiarsualivinnut pisortaqarfik Attaveqarnermut Naalakkersuisoqarfimmiit isumagineqarpoq taassumalu ataani isumaqatigiissusiaqarpoq sumiiffinni aalajangersimasuni uku suleqatigalugit:

- Royal Arctic Line A/S, umiarsualivinnut aqqaneq-marlunnut anginerpaanut pisortaavoq.
- KNI Pilersuisoq A/S, nunaqarfiiit amerlanerpaartaani illoqarfinnilu marlunni umiarsualivinni pisortaavoq.
- Mittarfeqarfiiit, Narsarsuarmi Kangerlussuarmilu umiarsualivinnut pisortaapput.



Takussutissiaq 4. Umiarsualiviit Namminersorlutik Oqartussanit pigineqartut pisortaqarfiaisa ilusilorsorneqarnerat.

## AATSITASSARSIORFINNI UMIARSUALIVINNUT PISORTAQARFIK

Aatsitassarsiorfeqarfiit qitiusumik aammalu sumiiffinni aalajangersimasuni umiarsualivinnut pisortaqarfinnut ilaatinneqannngillat. Umiarsualiviit aatsitassarsiorfeqarfinniittut *Inatsisartut inatsisaat nr. 7, 7. decembarimeersumi (Aatsitassanut ikummatisanullu inats) malittarisaliunneqarput*, suliffeqarfiillu aatsitassarsiorfeqarfinnut piginnittuusut umiarsualiviit aserfallatsaalineqarnissaat ingerlanneqarnissaallu akisussaaffigisussaallugit.

Taamaakkaluartoq inatsiseqarpoq salliusumik tassa nunat assigiinngitsut akornanni imarsiornikkut isumannaallisaaneq umiarsualiveqarnermut umiarsualivinnilu atortunut (ISPS-koden<sup>9</sup>) Attaveqarnermut Naalakkersuisoqarfimmit aqunneqartoq.

Tassunga atatillugu oqaatigissallugu pingaaruteqarpoq, ISPS-ip kalaallit nunaanni umiarsualivinni malinneqalernera malunnaatilimmik pitsangoriaataasinnaavoq. Kalaallit Nunaat imminut pisussaaffilerpoq nunat assigiinngitsut akornanni maleruagassat malinniarlugit. Maleruagassat Kalaallit Nunaannit suli malinniarneqanngippata, tamanna imarsiornikkut inuussutissarsiutilinnut ISPS-imik atuisunut ajortumik kinguneqarsinnaavoq. Taamaattumik suliassaqarfiup tulleriaarinermi sallutinneqarnissaa pisariaqartinneqarpoq.

---


<sup>9</sup> ISPS – International Ship and Port Facility Security, nunat assigiinngitsut akornanni allattariaaseq umiarsuit umiarsulivilli isumannaallisarniarlugit.

## NAKKUTILLIINEQ KOMMUNIT UMIARSUALIVIUTAANNIK

Kommuneqarfinni umiarsualivinnut pisortat umiarsualiviit amerlanngitsut nakkutigillugillu aserfallatsaalineqarnissaat isumagisarivaat, soorlu umiarsualiviit mikinerit niusarfiillu puttasut piniartut umiatsiaaqqanik aalisartut atortagaat. Taakkua saniatigut ataasiakkaanik umiarsualiveqarpoq, soorlu Sisimiuni umiarsualivittaaq.

## ASERFALLATSAALIINEQ ILUARSARTUSSINERLU

Iloqarfinni nunaqarfinnilu umiarsualiviit aaqqissuussaapput sumiiffiit apeqquataitillugit aserfallatsaaliiinissamut pilersaarusiaq malillugu, immikkoortoq 7 najoqqtaralugu, nuna tallimanut avinneqarsimavoq.



Takussutissiaq 5. Aserfallatsaaliiinissamut nunap agguardeqarnera

Nunap agguardeqarnera sumiiffiit ungasissusaannik aammalu illoqarfiiit nunaqarfiiillu amerlassusaannik aallaaveqarpoq. Nunap agguardeqarnera imaappoq:

- Nunap immikkoortua avannarleq: Kullorsuarmiit Qaarsunnut.
- Nunap immikkoortua Disko: Saqqamiit Attumut.

- Nunap immikkoortua qiterleq: Sisimiuniit Qeqertarsuatsiaanut.
- Nunap immikkoortua kujalleq: Paamiuniit Nanortalimmut.
- Nunap immikkoortua kangilleq: Ittoqqortoormiiniit Isortumut.

Nunap agguarneqarnera ataaseq nalunaarsorneqartarpooq piffissap aalajangersimasup iluani, piffissamilu tassani aamma nunap agguarneqarnera alla ataaseq iluarsartuullugu suliarineqartarluni. Pilersaarasiaq 2009-mili ingerlanneqalerpoq 2014-imilu aserfallatsaaliihermi kaaviiartitsineq siulleq naammassilluni Kalaallit Nunaata kangiani.

Ilisimaneqartut malillugit aatsaavissuaq ataqatigiissakkamik nalunaarsuisoqarlunilu aserfallatsaalisoqarpoq umiarsualivinnik. Siullermeertumik nalunaarsuineq, aserfallatsaaliiineq iluarsartuussinerlu umiarsualiviit napatitsisuinut sannaanullu tunnganerusimapput.

Ataqatigiissakkamik aserfallatsaaliiineq aqqutissiuivoq ilisimasanut nutaanut umiarsualiviit qanoq-issusaannut atorsinnaassusaanullu, tamakkulu aserfallatsaaliihermi aningaasartuutinut annikillisaaqataasinnaapput anguniakkat ilisimaneqnerulersimammata aammalu pitsaanerusumik suleriaaseqalermat. Aserfallatsaaliuinissamut suliassat sanaartugassanik suliassinneqartartunut suliariumannittussarsiuunneqartarput "poortugakkaarlugit", tassa imatut paasillugu ajugaasup sumiiffit arlalikkaarlugit suliassarisassagai nunap agguarneqarnerini. Taamaaliornikkut atuisartullu ataqatigiinnerusumik suleqatigiittooqalerpoq aammalu pitsaanerusumik sanaartorneq akuttoqatigiissaarneqalerluni. Ingerlaavartumilli isiginiarneqartarpooq neqerooruteqariaaseq sorleq naleqqunnerpaanersoq.

Ataqatigiissaakkamik qanoq-issusaanik nalunaarsuisarneq kinguneqarluartitsivoq tassami siusinnerusukkut suliariumannittussarsiuussisoqarsinnaalersimavoq suli sanaartugassanik suliassinneqartartut allanik suliassanininginneranni. Taamaasilluni piffissap sivisunerusup iluani sulisoqarsinnaanngorluni.

Naatsorsutigineqarpoq aserfallatsaaliiinissamik ataqatigiissaarineq ingerlatiinnarneqassoq. Taamaaliornikkut nungullariartornerit iluarsartuuttariallillu malinnaaffigilluarneqarsinnaalissapput pitsaanerusumillu ajornannnginnerusumillu inernissai suliarineqarsinnaasalissallutik. Taartissat, sannat atortussallu assigiissarneqarsinnaanerulissapput umiarsuliviillu nutaaliaanerulersinnejqarsinnaassallutik.

Nutaalianngorsaaneq assigiissaarinermik kinguneqartitsissaaq umiarsualiviit sannaanik atortussaanillu. Assigiaamik suleriuseqalerterup periarfissaalersissavaa

atortussat toqqorsivinnut toqqorneqarsinnaasalissasut<sup>10</sup> ukiup tullissaanut piareereerlugit. Atortussat eqqortut taava piareersimareertalissapput arlaanik aserortoqariataassagaluarpat. Periarfissap uuma umiarsualiviit "matusariaqartarnissannut" piffissaq millisissavaa aammalu umiarsualiviit suliarineqarsinnaasartut ukiut amerlissagaluarlutik.

Ataqatigiissaarineq aserfallatsaaliuinerinnaanngitsumut umiarsuavinnut iluaqutaassaaq. Assigiaarilerneq assiginngitsunik periarfissiisaaq atuisartullu assigiinnik periarfissaqalissapput "multi-purpose"-qarlerneragut, taamaalilluni atuisartunut amerlanerit iluaqutserneqarlutik.

Umiarsualiviit assigiaarnerusut aammattaaq kingunerilissavaa atuisartut assigiinnik malitassaqalernerat. Umiarsualiviit assigiaarnerusut aammattaaq kingunerilissavaa atuisartut assigiinnik malitassaqalernerat. Malittarisassat ingammik pitsangorsaassapput umiarsualivinnut assigiinngitsorpassuarnut atorneqartartunut, assersuutigalugu: takornariat angallataannut (uani pineqarpooq takornariat angallataat angalaarnermi atorneqartartut), sinersortaatinut, umiatsiaaqqanik aalisartut usingiaasarnerannut, nioqqutissanik assartuisartunut allanullu. Erseqqisumik oqaatigalugu ilaasut tamarmik niusinnaasassapput ilorrisimaarnartumik pissutsit qanorluunniit ikkaluarpat aamma umiarsualiviit qanorluunniit annertutigisumik artorsaatissinneqaraluaraangamik akornuserneqartartussaanngillat.

---

<sup>10</sup> Assersuutigalugu kalluussaanaveeqqutit, umiarsualiviup killingi betonit, qisunnik napatitsisut, qisunnik nungullarnaveersaaqutit. il. il.

## **IMMIKKOORTUMIK PILERSAARUSIAP ALLATTARIARSORNIKKUT SULIASSAI AAMMALU SULEQATISSAT**

Umiarsualivinnut immikkoortumik pilersaarusiap allattariarsornikkut isumaliutissiissutinullu suliassaqarpoq. Ataani suliassat taakkua ilai allaaserineqarput aammalu Imikkoortumik pilersaarusiap suleqatiminut sunniivigeqatiginninnera.

### **SULIASSAT ALLAASERISANUT ALLANUT**

Assartuussineq pillugu Isumalioqatigiisitap<sup>11</sup> 2011-mi isumaliutissiissutimini misissoqqissaarpaa Kalaallit Nunaata assartuinikkut ataqatigiissaagaaneratigut inuiaqatigiiq aningaasaqarniarnerannut periarfissat. Taassuma ataani sanaartorneq alliliinerlu umiarsualivinnik.

Assinganik allaqqasoqarpoq nunap immikkoortuini ineriertortitsinermut iliuusissat pillugit nassuaammi 2011-meersumi<sup>12</sup>. Nalunaajaatip ilaatigut misissorpaa allanngornerusumik inuussutissarsiorneq avammut tunisinikkut, aalisarnermut isumaginnittooqarfipu nioqquqtiisaataat avaqqullugit.

Kalaallit Nunaanni aatsitassarsiornermut pilersaarusiati atuarneqarsinnaapput Namminersorlutik Oqartussat aatsitassarsiornermut periusissaani<sup>13</sup>. Taassuma iluani taaneqarpoq umiarsualiviit qanoq atorneqartassanersut uuliaqarneranik aatsitassarsiorlunilu misissuinerit tungavigalugit.

Soorlu oqaatigineqareersoq umiarsualiviit aatsitassarsiornermut attuumassutilit Namminersorlutik Oqartussat ingerlatarinngilaat suliarineqartarlutilu Aatsitassanut inatsit malillugit. Suliffeqarfilli atuisartullu allat umiarsualiviit illoqarfinniittut atortarsimavaat umiarsualivimmut inatsisit ataanniittut.

Umiarsualivinnut Immikkoortumik pilersaarut aammattaaq Mittarfeqarfinnut immikkoortumik pilersaarummik 2016-ip ingerlanerani suliarineqartumik ilaqarpoq. Mittarfeqarfinni periarfissat arlallit ineriertortinnejassappata umiarsualiviit allilertorneqarnissaannut tulleriaarinernut sunniuteqassapput. Tassani assersutigalugu isiginiarneqassaaq umiarsuarnut ilaallutik takornariat mittarfimmiit umiarsualivimmut ajornannginnerusumik assartorneqartarsinnaanissaat.

---

<sup>11</sup> Assartuussineq pillugu Isumalioqatigiisitaq – Isumaliutissiissut, Namminersorlutik Oqartussat, Ineqarnermut, Attaveqaqatigiinnermut Angallannermullu Naalakkersuisoqarfik, 2011

<sup>12</sup> Nunap immikkoortuini ineriertortitsinermut iliuusissat pillugit nassuaat, Namminersorlutik Oqartussat, Naalakkersuisut Siulittaasuta Naalakkersuisoqarfia, 2011

<sup>13</sup> Kalaallit Nunaata uuliasiornermut aatsitassarsiornermullu 2014-imiit 2018-imut periusissaa, Namminersorlutik Oqartussat, Inuussutissarsiornermut, Suliffeqarnermut Niuernermullu Naalakkersuisoqarfik, 2014

## SULEQATIGISALLU SUNNIVIGEQATIGIINNEQ

Qulaani allaaserineqareerpoq umiarsualiviit Kalaallit Nunaanni inuaqatigiinnut pingaarutilerujussuusut taamaammat pingaarutilinnik suleqateqartoqarpoq umiarsualivinnut atatillugu aalajangeeqataasartunik aammalu sunnertittartunik aalajangiissutinit. Suleqatigisat eqimattakkaanut marlunnut avinneqarsinnaapput, eqimattaq siulleq taaneqarsinnaavoq taakkuusut massakkut umiarsualivinni inuussutissarsiutiminni ingerlatserersut. Eqimattap aappaa tassaapput innuttaasut kiffartuussisut aammalu umiarsualivinnut isersinnaasut, taassuma saniatigut kommunit ineriartorfissaasinnaasunik takusaqarsinnaasut.

Eqimattaq siulleq:

- Sanaartugassanik suliassinneqartartut
- Aalisarnermik inuussutissarsiorneq
- Assartuinermik inuussutissarsiorneq
- Aatsitassarsiorneq
- Takornariaqarnermik inuussutissarsiorneq

Aalisarnermik inuussutissarsiorneq Kalaallit Nunaanni inuussutissarsiutit annersaraat umiarsualivinnullu soqutiginninnerat ukununnga tunngapput: pisaanik tulaassuisinnaanissaq, aalisakkanik assiginngitsunik usingiaasinnaaneq aammalu assartuisinnaaneq avammut tunisassanik imaluunniit suliassangortitseqqiisinnaaneq. Umiarsualiviup inissisimanerata qulakteertarpaa umiarsualiviup atorluarneqartarnera, akileraarutit ilusissaat pisortanullu isumaqatigiissutit.

Takornariaqarnikkut inuussutissarsiorneq umiarsuarnik takornarianut samminerpavaavoq, taakku sineriak sinerlugu sammisaqartarput pifinni assiginngitsuni Kalaallit Nunaanni. Taakkununnga ilassut tassaavoq ulluinnarluni takornariartarnerit attartukkanik angallatinik. Immikkoortortaqaqrifmmiit tulassinnaanissamut periarfissat aammalu akileraarnissamut ilusissat isiginiarneqartorujussuupput, immikkoortortaqaqrifup ineriartortinneqarnissaannut annertuumik aalajangiisooqataallutik.

Sanaartugassanik suliassinneqartartut umiarsualiviit pisariaqartilluinnarpaat pilersuinikkut aammalu sanaartugassanut atatillugu. Sanaartugassanik suliassinneqartartut angallatit, usisaatit il. il. atortarpaat atortuminnik assartuiniarlutik suliassaminut assiginngitsunut.

Assartuinermik inuussutissarsiortut pisariaqartippaat umiarsualivinni pisoqartarnissaa assiginngitsutigullu pisariaqartinneqartarnissaat kisiat angallassassanik

assartuisarneq nunatsinnut, avammut nunattalu iluani annertunerpaamik oqaasissaqarpoq. Taassuma tulleraa inunnik angallassisarneq, namminersortuunersut imaluunniit sullissinissamut isumaqtigiiissuteqarnersut apeqqutaatinnagit.

Aatsitassarsiornermut tunngatillugu soqutiginnittut ikipput kisiat pilersaarutit arlallit piiviusunngortinneqassappata una eqimattaq allissaaq. Immikkoortumi 12-mi sukumiinerusumik allassivoq.

Eqimattaq tulleq:

- Kommunit
- Sunngiffimi angalasartut, aalisartut piniartullu

Kommunit umiarsualivinnut sunniutilerujussuupput, soqutiginnilluarput angusaqarluarusullutillu umiarsualivinni. Tamanna erseqqissisimavoq kommunit oqaloqatiginerisigut uunga Immikkoortumut pilersaarusiap suliarineqarnerani. Aammalu kommuninut tusarniaanermi akissutaasimasut umiarsualivinnut inatsisinut siunnersuutinut tunngatillugu. Kommunit soqutigisaat pilersaarutaallu Immikkoortumut pilersaarummut ilanngunneqarsimasut angusaqarluarnissamik sunnertissimapput. Umiarsualiviit angisuut inuuussutissarsiornermut attuumassutillit soqutigineqarsimallutik. Kommuniniit naatsorsuutigilluarneqarpoq Namminersorlutik Oqartussat aningaasaleeqataassasut umiarsualivissanut pilersaarusanut aammalu ingerlatsinermut piginneqataanermullu kommunillu suleqatigiilluassasut. Sunngiffimi angalasartut, aalisartut, piniartut innuttaasullu nalinginnaasumik umiarsualiviit atortarpaat assigiinngitsorpassuarnut nammineerlutik angallatinik angalasarnerminnut sineriak sinerlugu.

## **IMMIKKOORTOQ 2. IMMIKKOORTUMUT PILERSAARUT UMIARSUALIVINNUT**

### **ULLUMIKKUT**

#### **UMIARSUALIVIIT NALILERNEQARNERAT**

Immikkoortumi uani erseqqissarneqarpoq umiarsualiviit nalunaarsorneqarnerat, takussutissiisut umiarsualiviit sumut atorneqartarnersut qanorlu naleqarnersut immikkoortumik pilersaarusiap suliarineqarnerani, ilangussat B-E takukkit.

#### **Kommune Kujalleq**

Kommune Kujallermi 35-nik Namminersorlutik Oqartussat pigisaanik umiarsualiveqarpoq. Umiarsualiviit tassaapput anorimut oqqiorfiit, niusarfiit puttasut talittarfiillu illoqarfinni anginerusut pilersuinermut atorneqartartut.

Umiarsualiviit Kommune Kujallermi illoqarfinnut pingasunut, nunaqarfinnut aqqanilinnut aammalu nunalerinermik misileraaveqarfimmut agguardeqarsimapput.

Ukunani illoqarfinni Nanortalik, Qaqertoq aamma Narsaq Royal Arctic Line umiarsualivinnut oqartussaavoq. Nunaqarfinni 10-ni 11-usuni KNI Pilersuisoq umiarsualivinnut oqartussaavoq. Narsarsuarmi umiarsualivik Mittarfeqarfimmiit oqartussaaffigineqarpoq. Umiarsualivik savaateqarfimmi Upernaviarsummiittooq Namminersorlutik Oqartussat umiarsualiviitaasa ataaniippoq kisiat pisortaaffigineqarnani. Umiarsualivillu misissorneqarpoq Nunalerinermik Naalakkersuisunit ingerlanneqalersinnaannginnersoq. Umiarsualivillu misissorneqarpoq Nunalerinermik Naalakkersuisunit ingerlanneqalersinnaannginnersoq. Ataatsimut isigalugu 100.000 m<sup>3</sup>-imiit annikinneruvoq assigiaaginnavissimallunilu piffissami 2000-2013. Kisiannili nakkariartorsimavoq ukiuni kingullerni 5-6-ni.

Umiarsualiviit annerit containerinut inissiisarfittut atorneqartarpuit Qaqortumilu unammillernangaarpoq inissaqartitsiniartarneq containerit imaqannngitsut aalisakkerinermut sineriammilu atugassat amerlisimammata.

Umiarsualiviit tamarluinnangajammik Kommune Kujallermiittut sunnigaasarpuit sikorsuit Nunatta Isua uiartarmassuk umiarsualiviillu tikinneqarsinnaajunnaartarlutik piffissami sivikitsumi sivisunerusumiluunniit.

## KOMMUNEQARFIK SERMERSOOQ

Kommuneqarfik Sermersumi 25-nik umiarsualiveqarpoq Namminersorlutik Oqartussanit pigineqartunik. Umiarsualiviit tassaapput talittarfiit anginerit, talittarfiit mikinerit, aalisartunut kilisaatersortunullu talittarfiit imarpikkoortaatinullu umiarsualiviit. Uninngasarfinnik umiarsualiveqarpoq, ulittarneranut majuartarfiit kiisalu anorimut oqqiorfiit. Aamma Nuummi 12-nik umiarsualiveqarpoq, taakku Sikuki Nuuk Harbour A/S-imit pigineqarlutillu ingerlanneqarput.

Umiarsualiviit Kommuneqarfik Sermersumiittut illoqarfinnut sisamanut nunaqarfinnullu arfineq-pingasunut agguarneqarsimapput. Illoqarfinni 2-ni, 4-ni ukunani Paamiut aamma Tasiilaq Royal Arctic Line umiarsualivinnut oqartussaavoq, Ittoqqortoormiini umiarsualivik KNI Pilersuisup oqartussaaffigivaa aammattaaq nunaqarfiit kommunimiittut. Nuummi umiarsualivinnut oqartussaaffik Sikuki Nuuk Harbour A/S-imit ingerlanneqarpoq.

Assartugassat annertunerpaartaat uunga kommunimut pisarput, Nuummullu taakku annerpaartaat pisarlutik. Piffissami 2000-2013 assartukkat annertunerpaapput 450.000 m<sup>3</sup> sinnerlugit kommuni tamakkerlugu. Nuummi sanaartornerujussuaq piffissap taassuma qeqqani peqqutaaqataasorujussuulluni. Paamiut aamma peqqutaaqataasimavoq piffissami aalisarluarneq pissutigalugu. Tasiilami assartugassat annertussusaat allanngorsimangillat piffissaq tamakkerlugu.

Assartugassat annertussusaat malunnartumik ukiut kingulliit ingerlaneranni annikillisimapput.

Taassumalu saniatigut takornariaqartitsinermut inissamik amigaateqarpoq. 2002-mi sanaartornerujussuaqalernera kilisaatersortut ilaat Sisimiunut nuuttariaqalersimanerannut peqqutaaqataasimavoq. Umiarsuarnut anginernut umiarsualivimmut tulattartunut aammalu namminersortunut angallatinik mikinernik angalasartunut.

## Qeqqata Kommunia

Qeqqata Kommunia 31-nik umiarsualiveqarpoq Namminersorlutik Oqartussanit pigineqartunik. Affai sinnerlugit illoqarfinnut marlunnut agguataarsimapput ukunani Maniitsoq aamma Sisimiut. Maniitsumi umiarsualiveqangaatsiarneranut pissutaavoq 70-ikkut 80-ikkullu ingerlaneranni aalisarneq aningaasarsiorfiulluarnikuusimammat umiarsualiviilli taamani pisariaqartinneqartut sanaartorneqarsimallutik. Ullumikkut Sisimiut aalisarnermik ingerlatsinerulersimavoq.

Umiarsualiviit Qeqqata Kommunianiittut illoqarfinnut marlunnut nunaqarfinnullu arfinilinnut agguarsimapput. Illoqarfinni marlunni ukunani Sisimiut aamma Maniitsoq Royal Arctic Line umiarsualivinnut oqartussaavoq. Nunaqarfinnilu arfiniliusunit tallimani KNI Pilersuisoq umiarsualivinnut oqartussaavoq. Kangerlussuarmi umiarsualivik Mittarfeqarfimmiit oqartussaaffigineqarpoq.

Kommunimi marlunnik illoqarfeqarpoq arfinilinnillu nunaqarfefeqarluni. Assartugassat annertussusaat kommunini sisamani annerpaat tulliattut inissismavoq. Piffissap qeqqata missaani ukiuni 2000-imiit - 2013-imut 240.000 m<sup>3</sup> missaanni annertunerpaaffiusimavoq tassunga peqqutaavoq aalisarnermik ingerlatsineq annertooq Nuummiit Sisimiunut nuunneqarmat. Kisiannili assartugassat annertussusaat milliartuaarsimavoq 2000-2013 piffissap qeqqaniit.

Kommunimi unammillernangaatsiarpoq umiarsualivinni inissaaleqineq. Ingammik Sisimiuni. Taamatut amigaateqartoqarnera kinguneqarsimavoq kommunip nammineq umiarsualivimmi nutaamik sanaartortitsisimaneranut. Umiarsuakkut takornariaqartarneq annertusisimaqisumut aammalu uuliasiortunut pisariaqartitsinerit naapinniarlugit.

Kangerlussuaq ullutsinnut naleqqutinngitsumik umiarsualiveqarpoq tassami assartukkat ilaasullu usisaatinik siuatigut ammartartunik assartorneqartariaqartarmata nunamut tulannermi avalannermilu.

## QAASUITSUP KOMMUNIA

Qaasuitsup Kommunia 62-inik umiarsualiveqarpoq Namminersorlutik Oqartussanit pigineqartunik. Affaasa missaat illoqarfinniipput sinneruttullu nunaqarfinniillutik.

Umiarsualiviit Qaasuitsup Kommunianiittut illoqarfinnut arfineq-marlunnut nunaqarfinnut 26-nut agguarsimapput. Illoqarfinni tallimani arfineq-marluusuni ukunani Aasiaat, Qasigianguit, Ilulissat, Uummannaq aamma Upernivik Royal Arctic Line umiarsualivinnut oqartussaavoq. Illoqarfinni kingullerni marlunni, Kangaatsiaq aamma Qeqertarsuaq, nunaqarfinnilu umiarsualiviit KNI Pilersuisumit oqartussaaffigineqarput.

Illoqarfinni kingullerni marlunni, Kangaatsiaq aamma Qeqertarsuaq, nunaqarfinnilu umiarsualiviit KNI Pilersuisumit oqartussaaffigineqarput. Piffissami 2000-2013 qeqqaniit assartugassat annertusilaarsimapput aalisakkanut containerit Aasiannut nuunneqarsimaneri pissutigalugu. Piffissami tassani assartukkat annertunerpaapput 200.000 m<sup>3</sup> angungajallugu. Ukiuni kingulerpaalunni annertussutsit appariartorsimapput.

Unammillernarnerpaaq tassaavoq Ilulissani umiarsualivimmi inissaaleqineq. Umiarsualivimmiinnanngitsoq aammali umiarsualiviup eqqaani. Umiarsualivik ninnitorujussuuvoq aalisartullu usingiaanissaminnt inissakillortarput. Taassumalu saniatigut umiarsuit ilaasortaatit ikittuaraannarnik pitsaasunik tulannissaminnt periarfissaqarput ilaasunik ikisoqarlutillu niusaqarnissaminnt. Ilulissat takornarianit ornigarluarneqartupilussuusarpoq Nunarsuarmiut kingornuttagaannut allattorsimaffimmi ilaanera pissutigalugu. Kisiannili piviusorsiunngilaq takornarianik angallassisartut umiarsuit anginerit umiarsualivimmut tulassinnaasarnissaat.

Uummannaq aammattaaq inissaaleqivoq, umiarsualivik iluliarsuarnit sequmittunit taamaammallu malissuarnik pilersitsisunit sunnerneqartarpoq umiarsualivik sinerallu eqqaaniittooq eqqorlugit. Pinngortitap unammillernartitai iluliarsuupput aammali ukiukkut sikusarnera. Sikup umiarsuit angallatillu mikinerit talissinnaajunnaartittarpai. Upernavimmi umiarsualivik silataaniit qaffiarernit eqqorneqartarpoq, taakkulu annikillisarniarneqarsimapput nunniukkamik.

## **ASERFALLATSAALEIINEQ**

Aningaasanut inatsit aqqutigalugu ukiumut 25,2. mio. koruunit missaat immikkoortinneqartarpuit umiarsualiviit aserfallatsaaliorneqarnissaannut, tak. immikkoortoq 3.4. Aningaasat tunniunneqartartut agguarneqartarpuit pisariaqtitsinerit aammalu aserorsimasunik tulleriaarisarneq najoqqutaralugit. Taamaaliortarnerup qulakkeertarpaa umiarsualiviit nunap agguarneqarnerat malillugu pilersaarusiukkamik aserfallatsaalineqartarnerat. Umiarsualiviit tamarmik nalunaarsorneqartarnerat iluarsartuunneqartarnerallu ukiut 5-t ingerlaarneranni qulakkeerneqartarpoq, najoqqutaq immikkoortoq 4.4.

Namminersorlutik Oqartussat kisermaassilluni aserfallatsaalieuinerit iluarsartuussinerillu pisariaqartut aningaasalersortarpai.

Ukiuni kingullerni amerlanngitsuni umiarsualiviit nalunaarsorneqartarpuit aserfallatsaalieuinissamut pisariaqartitat paasiniarniarlugit. Qulaani taaneqareersumi ukiumoortumik nunap agguarneqarneri malillugit aserfallatsaalieuinissamut pilersaarusiqaq ingerlanneqartarpoq pisariaqtitsinerit naapinniarlugit.

## **PISARIAQARTITSINERIT ALLAT**

Umiarsualivinnik aserfallatsaalieuinissamut iluarsartuussinissamullu aningaassaliissutit 25,2. mio. koruuninik amerlassuseqartut ilaat saniatigut ukununnga aamma atorneqartussaapput:

- Nutarsaneq umiarsualivinnik, naaralaartitsivinnik, imarsiortunut nalunaaqquttanik aammalu umiarsualivinnik ataqatigiissaarinermut
- Naatsorsuussanngitsunik iluarsartuussinerit (umiirnerit)
- Sioqqanik milluaanerit umiarsualiveqarfinni angallatillu aqqutissaanni, soorlu Kangerlussuarmi
- Umiarsuarnik atorsinnaajunnaarnikunik isumaginninneq
- Cointainerinik inissiisarfinnik alliliineq pitsangorsaanerlu umiarsualivinni umiarsualiviillu tunuanni

Qulaani suliassat taaneqartut naatsorsuutigiuminaatsutut nalilerneqartarpuit siuumoortumik naatsorsorneqarsinnaanngimmata. Taamaattumik ingerlaavartumik nalilerneqartarpuit suliarineqarnissaallu aallartiinnarneqarsinnaasarluni aserfallatsaalieuinissamik pilersaarusiqaq avaqqullugu nalilerneqaraangat umiarsualivik pineqartoq atorneqarsinnaanngitsoq imaluunniit tassanngaannartumik ajoquserneqassagaluarpat. Umiarsualivinni suliassat taamaattut annertuumik sunniuteqarsinnaapput aserfallatsaalieuinissamut suliarinninnissamut

naatsorsorumaassinaaneri annertussusaallu peqqutigalugit. Ilaannikkullu ingerlaannaq aserfallatsaalineqarsinnaaneq ajorput pilersaarutit malillugit ilaatigullu ukiumut tulliuttumut Kinguartinneqartariaqartarlutik.

## ASERUISOORNERIT

Umiarsualivinnik aseruisoortarnerit assigiinngitsutigut pisinnaapput. Nalinginnaanerpaatut assersuutigalugu taaneqarsinnaavoq naqtsinerujussuarmik aseruisoorerit oqimaappallaartunik ingerlaartoqartarnera pissutigalu, tulannerlunnergarmik peqquteqartumik kalluussarnaveeqqutinik sannanillu aseruisoorerit aammalu aqquserngit/umialiup qaavnik, umiarsualiviup sinaakkutaanik aseruisoorerit aputajaaneq pissutigalugu.

Ukiumut 1 mio. koruunit missaat atorneqartarput tassanngaananaq aserortunik iluarsaassinnernut. Aseruisoorerit ingerlatiinnaq aatsaat suliarineqartarput inunnik, umiarsuarnik isumannaallisaanermut sunniuteqaraangat, umiarsualivik aserorneroqqissinnaappat aseruisornej pissutigalugu imaluunniit umiarsualivik eqqaaniittooq sunnigaasinnaappat. Aseruisornej ulorianassuseqanngitsutut nalilerneqaraangat nunap agguarneqarneranik aserfallatsaaluiuinissamik pilersaarusiamut ilanngunneqartarpooq.

## SIOQQANIK MILLUAANEQ

Sioqqanik milluaanissamut aningaasartuitissat nalilorsorumaattarput ukiumoortumik missingersuusiornermi pisariaqartitsinerit assigiinngittarmata. Taassuma saniatigut atuisut nalunaanngitsoortarnerat aamma peqqutaaqataasarput. Umiarsualiviit aalajangersimasut sioqqanik matuugaasoortarnerannut peqqutaaqataanerpaavoq sanaartornissamut atugassanik sioqqanik assartuisarneq. Umiarsualivinnik nalunaarsuisoqaraangat itissusersiuinerit ilanngunneqartarput kinnerit nuunneqartarneri malinnaaviginiarlugit.

Kingumut isigigaanni Kangerlussuarmut angallatit aqqutaat missiliorlugu ukiut 7-kaarlugit sioraajarneqartarpooq sioqqanik milluaammik nunanarfiup umiatsiaaqqanik takornariallu angallateerarisartagaannik tikinneqartarsinnaanissaa anguniarlugu.

Kingullermik annertuumik angallatit aqqutaat siorartaajarneqarpoq 2007/2008-mi.

Piffissalli ingerlanerani angallatit aqqutaat itissusersiornejarnikuuvooq 2012/2013-imi aammalu 2016-imi annikitsumik siorartaajarneqarluni. 2017-imi annertuumik siorartaajarneqarnissaa pilersaarusiornejarnikuuvooq aamma 6 mio. kr.-inik akeqassasoq tagginneqarpoq. Itissusersiuinerit inernerisa takutippaat, kinnerit

kivorarsimasut ilimagisatut annertusiartortut, qularnangitsumillu siornatigornit annertunerullutik. Tassunga nassuaasuusinnaavoq silap ingasattumik allanngorarnerata kingunerisaanik ukiuni kingullerni sermersuup aakkiartupiloorneranik kinguneqartitsisimasumik, taavalu sermimiit iminngortoq imeq kinnernik nassarluni immamut pisarluni. Silap ingasattumik allanngorarnera ingerlaannassappat Kangerlussuarmi akulikinnerusumik sioqqanik milluaasoqartariaqartarnissaa naatsorsuutigisariaqarpoq.

Agguaqatigiissillugu naatsorsuutigineqarpoq ukiumut sioqqanik milluaasarnerit illoqarfinni nunaqarfinnilu 1,5 mio. koruunit missaanik naleqartassasut, kisianni 2017-imi aammalu 2021-mi annertunerussallutik.

Sioqqat katersuuttarnerat annertusiartorsimangitsuuppat aningaasartuut aserfallatsaaliuniarnermut suliassanut ilannguneqarsinnaassagaluarpoq ukiut 10-t missaata ingerlaneranni. Umiarsualiviit ikilineqartuugaluarpata aningaasartuutit annikillissutaasut sioqqanik milluaanermut suliassanut akiliutigineqarsinnaassagaluarput massakkuugallartoq aningaasaliunneqartarput nammassinnaasaannik.

### **CONTAINERINIK INISSIISARFIIT PITUTTUUFFISSANILLU PERIARFISSAT**

Containerinik inissiisarfiit pitsangorsarneqartariaqarput. Tassani peqqutaaqataavoq inuiaqatigiit nutserarnerat. Tamakkiisumik isigalugu nunaqarfimmuit nunaqarfinnut anginernut imaluunniit illoqarfinnut nutserarnerat aammalu illoqarfimmuit illoqarfinnut anginernut nutserarnerat pissutigalugu containerinik ilioraaviit anginerusut pisariaqartinneqalersimapput.

Saniatigut pituttortarfiit taleqqasarfiillu assartuutinit pisariaqartinneqartut annertusiartorput piffinni arlalinni. Tamanna peqquteqarpoq immap sikusarnera sivikilliartormat aammalu silarunnerusalerneranik pissuteqartumik umiarsuit angalanerrunnerulerterat piffissami sikunnginnerusalertumi<sup>14</sup>. Tassa isumaqarpoq pituttarfiit mattunerulersinneqartariaqartut imaluunniit nutaanik mattunerusunillu sanasoqartariaqartoq. Ukiumut 1 mio. koruunit missaat atorneqartarput umiarsualiviit taamatut pisariaqartitsisut isumannaallisarniarlugit.

---

<sup>14</sup> Nioqquissanik assartuisarnerit piffissani avallerpaani pisarput upernaakkut ukiakkullu silap anorlernerpaasarfiani.

## **NAARALAARTITSIVIIT IMARSIORNERMULLU NALUNAAQUTSIUSSAT**

Naaralaartitsiviit, imarsiornermut nalunaaqutsiussat isumannaallisaanermillu atortut suliassaapput piffissami ungasinnerusumi ataqtigiissaarlugit ilangunneqarsinnaasut aserfallatsaaliuinissamut ataqtigiissaarinermut. Umiarsualivinnik iluarsartuussisarnerup pitsanngorsarneqarnera ilutigalugu massakkuugallartoq aningaasaliissutaasartut 25,2 mio. koruunit naammassapput ukuninnga aserfallatsaaliuisarnissaq ilangunnissaannut, umiarsualiviit amerlassusaat ikilineqassappata nunatsinni.

Ukiut 5-t kingullit ingerlaneranni 0,5 mio. koruunit missaat naaralaartitsivinnut imarsiornermullu nalunaaqutsiussanut aserfallatsaaliinermut pitsanngorsaanermillu atorneqarsimapput. Naaralaartitsiviit imarsiornermullu nalunaaqutsiussat amerlasuut pisoqalillutilu anorimit silamillu nungullarneqarsimaqaat. Massakkorpiaq umiarsualiviit sannaanik assigiissaarniarlugit suliniuteqartoqarpooq aammalu qaammaqqaat nutaalianik sarfamillu atuinikitsunik LED-nik taarsersorneqassallutik. Naatsorsutigineqarpooq naaralaartitsiviit imarsiornermullu nalunaaqutsiussat Namminersorlutik Oqartussanit pigineqartut<sup>15</sup> tamaasa nutarsarnissaannut ukiut qulit ingerlaneranni 10 mio. koruunit missaanik naleqassasut.

## **UMIARSUALIVITOQQAT**

Umiarsualiviit Namminersorlutik Oqartussanit pigineqartut amerlanerpaartaat pisoqaangaatsiarput, amerlanerit ukiut 20-t sinnerlugit pisoqaassuseqarput ilaallu ukiut 60-it angullugit. Assigiissaarlugit sanaartugassanik sanasoqartalernikuunera aammalu pisariaqartitat allanngornerat malillugu umiarsualiviit ilusilorsorneqarnikuunerat allanngoriartorsimapput piffissap ingerlanerani. Siornatigut qisuit atorneqarnerujussuupput umiarsualiviit timitaattut ullumikkulli savimineq atugaanerulersimavoq.

Siornatigut sanaartoriaatsip ullumikkut umiarsualivitoqqanik iluarsartuussiniarneq annertuumik akisoorujussuanngortissinnaasarpa. Taamaammat nunap agguarnikuuneri malillugit asserfallatsaaliuinissamik pilersaarusiami isumaqarluarsinnaavoq nutarsaanissat pingaarnersiorlugit ingerlanneqarpata.

---

<sup>15</sup> Illoqarfait nunaqarfiallu eqqaaniunerusoq aammalu umiarsualivinni.

Umiarsualiviit pisoqqat kisimik iluarsartuunneqartarput suliassat annikikkaangata imaluunniit atorneqartarnera annikinnerulersimagaangat siornatigornit.

Naliliinerit uku ingerlanneqartarput nunap agguarneqarneranik aserfallatsaliuinissamik pilersaarusiap saniatigut atatillugulu. Naatsorsuutigisariaqarpoq umiarsualiviit tamarmik nutarsarneqassasut Namminersorlutik Oqartussat ukiut qulit suli sinnerlugit ingerlakkusutaannut. Umiarsualiviit pilersaarusrorseqarnerat atuisartut allanngornikuunerannut aammattaaq paakkutarinnippoq.

### **UMIARSUALIVIIT NALILERSORNEQARNERI**

Sanaartoriaatsip ukiut ingerlaneranni allanngornikuunera najoqqutaralugu piviusorsiorpalaanngilaq umiarsualiviit nalingi naatsorsussallugit kisitsisitoqqat aallaavigalugit. Taamaammat nalilersorneqarneri ingerlanneqarnikuupput ullumikkut assingusumik sanaartussagaanni nalissaat aallaavigalugit. Umiarsualiviit ilusilersoneqarneri assigiinngitsorujussuupput, soorlu ulittarnerani majuartarfiit, niusarfiit puttasut, ikaartarfiit, itissutsit assigiinngiaarneri il. il.

Ullumikkut akit najoqqutaralugit kvadratmeterimut<sup>2</sup> 37.500 koruunit missaaniippoq umiarsualivimmik nutaamik sanaartorniaraanni. Aki sanaartugassanik suliassinneqartartut ukiuni 5-ni kingullerni akigitittarsimasaat Namminersorlutik Oqartusanut najoqqutaralugit nalilerneqarsimavoq. Takussutissiani umiarsualiviit kommunikkaarlugit agguatarneqarsimapput (ilanngussat B,C,D,E). Umiarsualiviit nalilersorneqarnerinut atatillugu teknikkikut nalilersorneqarnera saqqummiunneqarpoq akileraartarnermut akilersuinissamut iluaquataasinnaasut ersersinniarlugit. Nalinginnaasumik sanaartukkat nunallu atortulersorneri akilersorneqartarput ukiut 20-t ingerlaneranni. Scrap-værdi-a tassaavoq umiarsualiviup nalinga sinneruttoq, umiarsualivik ukiut ingerlaneranni aserfallatsaalineqartarsimappat.

Umiarsualiviit nalinginnaasumik ukiut 20-t sinnerlugit pisoqaassuseqariarmata akilersoriikkatut naatsorsuunneqartarput scrap-værdi-alu kisimi kiserngorunniakuullutik. Naatsorsuutigineqarpoq atorneqarnermigut nalinga 35%-iusoq nutaalluni nalianiit, tamakkiisumillu 945 mio. koruuninik naleqarlutik.

### **PITSANGORSAANISSAMIK PISARIAQARTITSINEQ**

Kalaallit Nunaanni umiarsualiviit annertuumik ineriertortinnejarnissaminnik nutarterneqarnissaminnillu pisariaqartitsingaatsialersimapput ukiuni qulikkaani marluk-pingasut ingerlaneranni.

Qulaani nalilersuinermut periuseq najoqqutaralugu siunnersuutigineqarpoq aserfallatsaaliuinissamut missingersuutit katillugit 25,2 mio. koruuninik annertussuseqartariaqaraluartut. Taakku aningasat aserfallatsaaliuinissamut pilersaarut taperserlugulu pitsangorsassagaluarpa, saniatigullu periarfissiillutik umiarsualivinnut attuumassusillit suliassat suliarineqartalernissaannut (immikkoortoq 7.5.3 takujuk).

Ukiuni 5-ni kingullerni ukiumoortumik nalunaarsuisarsimancerit takutippaat umiarsualiviit qanoq issussaat aserfallatsaalineqarnissamillu pisariaqartitaat assigiinneqisut. Siunissami umiarsualiviit assigiaarneqalernerit nalunaarsuisarnissamut pisariaqartitsineq annikillisissavaat taamanikkussamut umiarsualiviit tamakkiisumik ilisimaneqalersimassammat. Ataatsikkullu aserfallatsaaliuisarneq assigiaartumik ingerlanneqartalissalluni.

Immikkoortumi umiarsualivinnik saliussassanik siunnersuummi, immikkoortoq 8.4 takuuk, misilitakkat najoqqutaralugit aningasartuutissallu pilersaarutaat allattorsimapput Immikkoortumik pilersaarusi. Tassani kisimi umiarsualiviit Namminersorlutik Oqartussanit pigiinnarneqartussat pineqarput killigititaasut piumasaqaatillu najoqqutaralugit.

## **ULLUMIKKUT UMIARSUALIVINNUT IMMIKKOORTORTAQARFIUP UNAMMILLERNARTITAI**

Qulaani isiginiarneqartut saniatigut unammillernartoqarpoq nuna tamakkerlugu atuuttunik, umiarsualivinnut immikkoortumut unammillernangaatsiartunik:

- Alliliinissamut inissaaleqineq imaluunniit inuussutissarsiuutnik pingaarnersiuinissaq umiarsualivinni pisoqarnerpaaffiusartuni.
- Umiarsualiviit angissusaat atorneqartarnerallu ataqtigiissaarneqannginnerat
- Umiarsualiviit aserfallatsaalineqartarnerisa qanoq issussaat
- Immap itissusaa
- Avatangiisirut pissutsit
- Silap pissusaanut pissutsit

## **INISSAALEQINEQ**

Umiarsualivinni inissakilliorneq erseqqitorujussuuvoq pilersuinermit, assartuinermit aammalu aalisakkerinermit ulapaarfiulluartuni. Inissakilliornerup kinguneranik pissutsit killissaat akuerineqarsinnaanngitsut tikilluinnangajallugit imaluunniit qaangerlugit atugaatippai. Assersuutigalugu containerit qerititsiviit amerlasuut

umiarsualivinnut allanut inissinneqartariaqartarput atorneqarfissaraluaminniit<sup>16</sup>. Taamaaliortarnerup pisariaqanngikkaluartumik usingiaaqqittarnernik kinguneqartarput umiarsuillu assartuutit piginnaasaanik atorluaannginnerulluni.

## **ATAQATIGISSAARINEQ ATORFISSAATA ATORNEQARNERATALU AKORNANNI**

Assersuutigalugu ataqtigiissaarinerlunneq umiarsualiviit atorfissaata atorneqartarneratalu akornanni takuneqarsinnaavoq toqqorsiviit/ilioraaviit eqqarsaatigigaani. Piffinni amerlasuuni aalisartut sanaartugassanillu suiliassinneqartartut umiarsualiviit utaqqiisaagallartumik toqqorsivittut atortarpaat namminneq atortuminnut angallatiminnullu, taamaaliortarnerup piffissami tassani ilaatigut atuisartut allat inangertarpaat.

Assersuut alla tassaavoq umiarsualivinni sioqqanik usingiaasарneq. Umiarsualiviit tamangajammik, ikittuinnaat minillugit, aatsitassarsiornermut atorneqartarput, mineralisiornermut imaluunniit uuliasiornemut atorneqanngitsunut: Sioqqanik usingiaasарneq umiarsualivinnut sanaartornernut atatillugu pisariaqartineqartarput, kisiat tassa isumaqarpoq umiarsualiviit ukimoortumik sioqqanik kivisoorfigineqartartut immallu itissusaa umiarsualiviit nalaanni ikkaliartorujortarlutik.

## **ASERFALLATSAAALIUINEQ**

Qulaani taaneqareersutut aserfallatsaaluiunissaq unammillernartupilussuuvoq aningaasaliissutigineqartut aningaasanut inatsimmit kisimi aserfallatsaaluiunissamut atugassaanngimmata kisiallu aamma suliassanut allanut umiarsuavinnut attuumassutilinnut atugassaallutik.

Ataatsikkut qulaani siunnersuut pingaarutilimmik oqariartuuteqarpoq umiarsualiviit Namminersorlutik Oqartussanit pigineqartut ikilisarneqassasut sinneruttullu nutarterneqassasut multi-purpose-tut atorsinnaanngorlugit allannortillugit.

Pingaarouteqarpoq maluginiassallugu umiarsualiviit assigiaarneqalerluarpata isumaqaannassasoq sananeqaqqaarnerminnut isikkoqalerseqqillugit iluarsartutiinnarneqarsinnaasut, nutaaliatut piumasaqaatit pisariaqartitallu piviusunngortinneqarsinnaanngillat atuisartut atortussallu nutaat pisariaqartitaat. Allassimannngilaq umiarsualiviit oqimaannerusunik assartuisalernerit sapissanngikkaat,

---

<sup>16</sup> Najoqutarisaq: Royal Arctic Line A/S

takornariaqarnermut, sanaartugassanik suliassinneqartartunut aammalu aalisarnermut naleqqussarsinnaassasut illoqarfiit nunaqarfiillu ilaanni.

## IMMAP ITISSUSAA

Sumiiffinni amerlasuuni minnerunngitsumik nunaqarfinni ajornartorsiutaasarloq umiarsualivinnut tulanniartarneq ilaasortaatinik assartuutinillu. Ilaattut taaneqarsinnaavoq ilaasortaatip Sarfaq Ittup Kangaamiunut tulassinnaasannginera immap itissusaa umiarsualiviillu qanoq issusaa naammaginanngimmata.

Ikkannersat ajornakusoortarput iluarsartutissallugit pisariaqartitat malillugit, tassami amerlasuuni annertuumik itinerulersitsiniarnissaq suliassaasassammat sumiiffiillu ilaat qaarsunnik immap naqqaniittoqarlutik.

## UMIARSUIT ATORSINNAAJUNNAARNIKUT

Umiarsuit nungullarnikut, qimaannakkat amerlasuutigullu akiliisinnajunnaarnerup kinguneranik eqquaanikut taaneqartarput *atorsinnaajunnaarnikutut*. Avatangiisnik illersuiniarnermi aningaasartutissallu tungaatigut unammillernartut tassaapput umiarsuit atorsinnaajunnaarnikut umiarsualivinni tamangajanni. Umiarsuit atorsinnaajunnaarnikut arlallit tulattarfinnut pituttoqaannanngikkunik, inissamik allat atorsinnaasaraluagaannik inangiillutik, pituttortfinnut pitoqqasarput. Umiarsuit avatangiisimut ulorianassuseqarsinnaapput, assersuutigalugu taaneqareersinnaapput umiarsuit kivisooreerlutik qaqeqqinnejqarsimasut. Nunatsinni tamakkiisumik ajornartorsiummut tassunga aaqqiiniarnissamut suli suliniummik nassartoqarneqanngimmat amerlasuutigut umiarsuit assigiit kiveqqittoortarput umiarsualivinni.

Ajornartorsiutit annerpaartaasa ilagaat umiarsuit qisunnik sanaat uloriarnarsinnaasunik akulinnik illersornikut/qaleruallit nunatsinni ingutserneqarsinnaasannginneri pisinnaasat killeqarneri peqqutigalugit. Taamaattummi aalajangersimasumik iliuuseq atorlugu suliarineqartussaapput nunatsinni pigineqanngitsumik. Nalinginnaasumik ikuallaaginnartoqarsinnaanngilaq aammalu kivisitiinnartoqarsinnaanani umiarsuarnik. Umiarsuit savimerngit avatangiisimut tunngatillugu ajornartorsiutaanertik saniatigut savimerngit akiinit sunnertissimapput ingutserisartunut saviminikunillu pisisartunut soqtiginarnerulerlutik. Saviminiiinnanngitsunik aqoqarput soorlu kanngussak umiarsuarmiit immikkoortinneqarsinnaavoq akigeqqinnejqarsinnaallunilu aalajangersimasumik

ilusilerlugu. Umiarsuit aggorneqarnissaat akilersinnaasumik ingerlassappat umiarsuit aalajangersimasumik amerlassusillit katersorneqaqqartariaqarput.

Namminersorlutik Oqartussat suli inatsimmik suliniuteqarput qanoq umiarsuit atorsinnaajunnaarnikut iliuuseqarfingineqartassanersut.

Grontmij/Carl Bro 2009-mi allaaserinnippoq taamanikkut umiarsuit atorsinnaajunnaarnikut pillugit Kalaallit Nunaat tamakkerlugu.

- Umiarsuit atorsinnaajunnaarnikut piiarneqarnissannut siunnersuut Kalaallit Nunaanni, Inatsisit periutsillu, september 2009

Grontmij/Carl Bro allaaserinninnera malillugu ajornartorsiut annertuvoq. 2009-mi nalilerneqarpoq umiarsuit atorsinnaajunnaarnikut 70-100-ut missaaniittut nunarput tamakkerlugu, kisitsisillu ukiumoortumik 5-10-nik ilasarlutik. Naatsorsuutigineqarpoq 2014-imi umiarsuit atorsinnaajunnaarnikut 125-t missaannik amerlassusillit nunarput tamaat isigalugu, iliuuseqartoqarsimaneragut annertusiartornerat annikillisinneqarsimavoq sulilu milliartorluni.

Aningaasatigut naatsorsukkat umiarsuarnut atorsinnaajunnaarnikunut atugassat ilusilersorneqarput teknikkikut nalilersuinermi Nuummi umiarsualivimmi umiarsuit atorsinnaajunnaarnikut aallaavigalugit avatangiisnit siunnersuisartut Veksebo 2010-mi naatsorsugaannit.<sup>17</sup> Allaaserisaq taanna arlalinnik siunnersuuteqarpoq qanoq umiarsuit suliarineqarsinnaanersut.

Ukiut kingullit ingerlaneranni misilitakkat takutippaat sanaartugassanik suliassinneqartartut neqerooroutaat aallaavigalugit umiarsuarnik qisunnik ingutserilluni agguisarneq 150-200.000 koruunit missaanik naleqassasoq umiarsuarmut ataatsimut. Umiarsuarnullu saviminernut 79 BRT-nit mikinerusunut 300-400.000 koruunit missaanik naleqassallutik umiarsuarmut ataatsimut. Amerlanerpaatigut uku umiarsuit inuttaqarneq ajormata Namminersorlutik Oqartussat imaluunniit umiarsualivinnut ingerlatsisut allat pisussaaffigisarpaat ingutserinermut aningaasartuutit akilissallugit.

Ajornerpaamik kinguneqassappat 50 mio. koruunit missaat pisariaqartinneqassapput umiarsuanik atorsinnaajunnaarnikunik isumaginninnermut.

Ataatsimoorussamik isigalugu Namminersorlutik Oqartussat pilersaarusiaqanngillat umiarsuarnik atorsinnaajunnaarnikut isumaginninnissaminut, taannalu ajornartorsiutut isigineqarpoq. Assersuutigalugu Namminersorlutik Oqartussat umiarsuit kivinikut qaqqikkaangamikkit umiarsualiviup eqqaaniit umiarsualivimmur

---

<sup>17</sup> Umiarsuarnik atorsinnaajunnaarnikut misissuineq Nuup umiarsualiviani 2010-mi

arlaanut inissinneqartarpuit kiveqqittussaajunnaarlugit imaluunniit atuisartunut allanut ajoqutaasussaajunnaarlugit. Ilaatigut nunaminertamik tunisisoqartariaqartarpooq kommuneqarfinniit. Umiarsuit aamma allanut inissinneqarsinnaasarpuit umiarsualivinnut oqartussat pigisaasa avataannut. Taamaannngippat umiarsuit oqartussanut allanut ajornartorsiutinngortarpuit. Taamaalilluni ajornartorsiut "nuutseqattaarneqalertarpooq" oqartussaasut akornanni.

Namminersorlutik Oqartussat imaatigut angallatinut atorsinnaannngitsunut suliniuteqannginnera peqqutigalugu, maannarpiaq imaatigut angallatit akornutaasut, angallannermik umiarsualivinnillu ingerlatsinermut ulorianartorsiortitsisut imaluunniit avatangiisut annilaanganartumik ulorianartorsiortitsisut kisimik peerneqartarnerat salliuinneqarpoq.

Uunga atatillugu taaneqassaaq aalajangersimasumik tapiissuteqarpoq - *Aalisarnermut aningaasaliissutinut immikkoortitat pillugit Inatsisartut inatsisaat* – aalisariutinik aalisariutaajunnaartunik killuinissamut. Aalisarnermut oqartussaaffimmi inatsisartut inatsisaat aqunneqassaaq. Umiarsuit atorsinnaajunnaartut amerlanertigut aalisariutaaneq ajorput taamaammallu peerneqarnissaat uannga tapiissummit akilerneqarsinnaasaristik.

## SILAP PISSUSIA

Kiisalu taaneqarsinnaapput silap pissusianit pinngortitamiillu pissutsit umiarsualiveqarfinnut sunniisarnerat. Tassani illoqarfiit nunaqarfiillu pineqarput. Assersuutigalugu Upernavimmi umiarsualivik qaffianernik eqqortittuartarpooq, annikillisarniarlugillu nunniugaqarpoq. Assinganik atuupput Sisimiuni Kangaatsiamilu.

Silap pissusianit pinngortitamiillu pissutsit aammattaaq ingerlatsinermut, aserfallatsaaluiusarnermut atuisarnermullu sunniuteqartarpuit, assersuutigalugu niusarfiit puttasut sunnertitarnerat. Niusarfiit puttasartut akikitsutut ajornaatsutullu isigineqarput umiarsualivinnut tulaassisiffigiuminartutut, kisiat immamut ikineqarlutillu qaquinneqartarpuit siku peerukkaangat sikoqqikkaangallu. Tamannalu akisoqataasorujussuuvoq ingerlatsinermik aserfallatsaaluiusarnermilu. Piffiit ilaanni niusarfiit puttasartut nunami inissinneqarsinnaaneq ajorput sikumullu aalangeerneqartariaqartarlutik ukiukkut sikoqqanerani, taamaaliortarneq niusarfiit puttasartunut nungullartitsingaatsiartarpooq. Niusarfinnik puttasartunik atuisarneq unnersiutiginanngilaq taamaammat ingerlaavartumik taarsersorneqarput umiarsualivinnik nunamut atasunik betoninik saviminernillu sanaanik.

Immikkoortoq qulaaniittup timalimmik aningaasaqarnikkullu ajornartorsiutit ersersippai ullumikkut umiarsualiviit ajornartorsiutigisaat. Siunissamilu aserfallatsaaliuinissamut aningaasat pisariaqartinneqartut naatsorsorneqarlutik 25,2 mio. Koruuninut immikkoortumi 9-mi taaneqartut umiarsualiviit pingaarnersiorneqassappata sinneruttullu allanit ingerlanneqalissappata imaluunniit ingutserneqassappata.

Immikkoortumi tullinnguuttumi pingaarnersiorneqarput takorluukkat umiarsualiviit allilerneqarnissaannut.

## **IMMIKKOORTOQ 3 – TAKORLUUKKAT ANGUNIAKKALLU**

### **UMIARSUALIVIIT ALLILERNEQARNISSAANNUT TULLERIIAARINERIT**

Immikkoortuni siuliini uani immikkoortumut pilersaarummi naatsorsuutigineqarpoq massakkut aningaasanut inatsimmit aningaasaliissutigineqartartut umiarsualiviit ineriartortinnejarnissaannut aningaasaleeqataassasut umiarsualiviili Namminersorlutik Oqartussanit pigineqartut ikilineqassasut. Takorluukkami tassani umiarsualiviit allilerneqarnavianngillat kisiat nutarsarneqassapput aaqqissuunneqaqillutillu massakkut isikkorisaminni.

Una immikkoortoq takorluukkanut allannguutissanullu siunissami umiarsualiviit ineriartortinnejernerannut tunngavoq, aningaasaqarniarneq ajussanngippat massakkut aningaasaliissutaareersimasunit anginerussappat aammalu<sup>18</sup> umiarsualiviit angissusaat apeqquaatillugit Immikkoortoq aallartinneqarpoq umiarsualivinnut attuumassusillit allagaqaatit pioreersut pillugit, naaneqarlunilu umiarsualiviit nunatsinniittut allattorsimaffianik. Allattorsimaffik imaqarpoq kissaatinik takorluukkanillu umiarsualiviit ineriartortinnejarnissaannut aammalu massakkut suliat ingerlanneqartut.

### **NAALAGAAFFIUP ISIGINNINNERA**

Namminersorlutik Oqartussat umiarsualiviit amerlanerpaartaat pigisarivaat illoqarfinni nunaqarfinnilu. Siusinnerusukkullu taaneqareerpoq umiarsualivinnut oqartussaaffik paaralugulu aserfallatsaaluiusarnerillu avataatigut Namminersorlutik Oqartussat aamma akisussaaffigivaat umiarsualiviit ineriartortinnejarnissaannut pilersaarutit nalilersussallugit, saniatigullu tulleriaarnissai nuna tamakkerlugu isigalugu.

Ingerlatsinerup aserfallatsaaluiusarnerillu avataatigut Namminersorlutik Oqartussat aamma akisussaaffigivaat umiarsualiviit ineriartortinnejarnissaannut pilersaarutit nalilersussallugit, saniatigullu tulleriaarnissai nuna tamakkerlugu isigalugu. Assartuussineq pillugu isumalioqatigiissitap 2011-mi nalilerpaa umiarsualiviit pisariaqartitsisut pitsaanerusumik sullissisinnaalernissaminnik aammalu inuussutissarsiortunut periarfissaqartitsinerulerlutik umiarsualiviit allineqarnerisigut pitsangorsaanikkullu.

---

<sup>18</sup> Kontu pinguarneq 87.73.12 aningaasanut inatsit 2016.

Kissaatit, pisariaqartitat pissutsillu allanngungaarsimanngillat 2011-miit isumaliutissiisummiit illoqarfinnut nunaqarfinnullu taaneqartunut. Kommuniniit umiarsualivinnut kissaatigineqartut taamanernit aamma allanngorsimanngillat, Nuummi Sisimiunilu aalajangersimasunik kissaateqarsimanerat eqqaassangikkaani piffissap eqqartorneqartup iluani. Qeqqata Kommunia nammineerluni Sisimiuni umiarsualiviliorikuuvooq Nuummilu Namminersorlutik Oqartussanit pigineqartoq suliffeqarfik Sikuki Nuuk Harbour A/S aallartinneqarnikuulluni Nuummi.

## **NAMMINERSORLUTIK OQARTUSSAT NALUNAARUSIAAT SIUMOORTUMILLU PILERSAARUSIAAT**

Ataani nassuiarneqarput Namminersorlutik Oqartussat siumoortumik pilersaarusiaat umiarsualivinnut attuumassutillet:

- - nuna tamakkerlugu takornariaqarneq pillugu immikkoortumut pilersaarut 2016-2020
- Kalaallit Nunaata uuliasiornermut aatsitassarsiornermullu 2014-imuit 2018-imut periusissaa
- Silaannakkut angallanneq pillugu ingerlataqarfimmi pilersaarut

### **Nuna tamakkerlugu takornariaqarneq pillugu immikkoortumut pilersaarut 2016-2020**

Takornariaqarneq pillugu immikkoortumut pilersaarut Inuussutissarsiornermut, Suliffeqarnermut Niuernermullu Naalakkersuisoqarfimmit saqqummertinnejarpooq. Takornariaqarneq inuussutissarsiutaavoq Kalaallit Nunaata aningasaqarneranut tapeeqataalluarsinnaasoq, taamaammat isumaqarpoq atortulersuutit pitsangngorsarneqartariaqartut.

Umiarsualivinnut tunngatillugu takornariartitsinermut Periutsip umiarsuarnik takornariartitsisartunut sammiveqarpoq. Tulannissamut tikilluaqqusinissamullu periarfissat pitsangngorsartariaqarput piffinni amerlasuuni. Assersuutigalugu Qaqortumi, Nuummi Sisimiunilu nunaligussineq pisarpoq niusarfiit puttasartut aqqutigalugit. Niusarfiit puttasartut mikivallaarput umiarsuarnik takornariartitsisartuni ilaasut amerlassusaannut sanilliullugit akunnattarlutillu umiarsuarnik takornariartitsisartut ilaasuannut. Illoqarfiit mikinerit nunaqarfiillu takornarianik tikittoqartarnissaminnik sukumiisumik suliniuteqartartut amerlanertigut umiarsualivinnik naammaginartunik amigaateqartarput. Ilaatigullu nunamut ikaarneq sissakkut imaluunniit qaarsukkut toqqaannartumik pisariaqartarlutik.

Umiarsualiviit pitsaanerusut umiarsuarnik takornariartitsisartunut soqutiginarnerulissapput aamma takornarissat amerlanerusut nunamut ikaartalernerannik kinguneqassapput. Piffit ikittuinnaapput umiarsuarnik takornariartitsisartunit umiarsualiviit tulaffigineqarsinnaasut, taamaattumillu imermik, ikummatisanik, sarfamik allanillu pisiffiusinnaasut ikillutik. Aammalu takornariat ilaasut ajornannginnerusumik niullutillu ikiffigisinnaasaat taamaalillutik ikillutik. Takornariat niusartut amerlaneruppata ilimanassaaq aningaasat annertunerusut inuiaqatigiinnut apuunneqartalissasut.

## **KALAALLIT NUNAATA UULIASIORNERMUT AATSITASSARSIORNERMULLU 2014-IMIIT 2018-IMUT PERUSISSAA**

Inuussutissarsiornermut, Aatsitassarsiornermut Suliffeqarnermullu Naalakkersuisoqarfik saqqummersitsinikuuvoq siuumortumik pilersaarasiamik ukiunik 5-nik sivisussuseqartussamik qulequtaralugulu Kalaallit Nunaata uuliasiornermut aatsitassarsiornermullu 2014-imiit 2018-imut perusissa (massakkumiit aatsitassarsiornermut perusissaq).

Aatsitassarsiornermut perusissap tikkuarpaa assiginnngitsuni suleqatigiinnissaq annertusarnerusariaqartoq assersuutigalugu umiarsualivinnut tunngatillugu. Umiarsualiviit aatsitassarsiornermut perusissap marlunngorlugit immikkoortippai: Umiarsualiviit oliamut/gassimut/oliasiornermut/piiaanermut aammalu umiarsualiviit aatsitassarsiornermut/piiaanermut.

Umiarsualiviit pioreersut tamarmik pingartinneqarput ujaasinermi piffissami, tassami suliffeqarfiiit ujaasisut aningaasat annikinnerpaat atorniartarpaat ujaasitillutik. Piffissami tassani nunaqavissut logistikkikut sullisisinnaanerat pisariaqartinneqarpooq, minnerunngitsumik umiarsualivinni eqqaanilu inissiisinnaaneq.

Ujaasinermik piffissaq piiaanermut ingerlaqqissappat umiarsualivinnut immikkoortitani tamani ilimanarluinnarpooq suliffeqarfiiit namminneq umiarsualivissaminnik sanaartussasut piaaffiup qanigisaani. Suli oliasiortoqarnikuunngilaq/gassisiortoqarnikuunngilaq nunatsinni, kisiat arlalinnik aatsitassarsiorfeqarnikuovoq. Assersuutitut taaneqarsinnaapput kuultimik aatsitassarsiorfik Nalunaq Kalaallit Nunaata Kujataani, Maarmorilik Kalaallit Nunaata Avannaani aammalu Olivinminen Kalaallit Nunaata Qeqqani, taakku tamarmik namminneq umiarsualivitsik sananikuuaa.

Umiarsualiviit taakku – siunissamilu umiarsualivissat aatsitassarsiornermut attuumassusillit – aatsitassarsiornermut inatsisit ataanniissapput umiarsualivinnullu inatsisit ataanniinnatik. Taamaammat umiarsualiviit taamaattut sunniuteqarnaviangillat massakkut umiarsualiviit pioreersut atornerannut imaluunniit pilersaarusrornerannut.

### **MITTAQARFEQARFINNUT IMMIKKOORTUMIK PILERSAARUSIAQ**

Mittarfeqarfinnut immikkoortumik pilersaarusrisiaq suliarineqarsimavoq nunap ataqatigiissaarneqarneranut aaqqissuisartunit. Siunissami mittarfiit nunakkut ataqatigiissarneqarnerat qanoq ineriertornissaanik siunnersuummik imaqluni.

Mittarfiit umiarsualiviit assigalugit Kalaallit Nunaanni angallassisoqarsinnaaneranik sunniuteqaqataalluarput. Sumiiffit ilaanni mittarfiit illoqarfinnut umiarsualivittalinngut attuumassuseqarput. Kangerlussuaq mittarfeqarlunilu umiarsualiveqarpoq takornarianit umiarsuarnik angalasunit atorluarneqartartumik umiarsuarmi ilaasut taarserneqassagaangata. Narsarsuarmi aamma periarfissaq taanna annikinnerusumik atorneqartarpoq.

Mittarfiit pillugit immikkut pilersaarusrisiaq siunissami periarfissanik assigiinngitsunik ammaassisussatut naatsorsuutigineqarpoq, pingaartumik umiarsuit takornariartaatsit aqqutigalugit takornarissat paarlaatsinnejartarnerannut tunngatillugu.

Silaannakkut angallannikkut immikkoortumik pilersaarusriami aammattaaq Ilulissani aamma Nuummi mittarfiup tallineqarnissaannik imaqlipoq. Taamaaliornikkut Europamiit Amerika avannarlermiillu toqqaannartumik angalasoqarsinnaalissaq. Ilulissani Nuummilu mittarfinnut pilersaarusrusat piviusunngortinneqassappata Kangerlussuarmi silaannakkut angallannermut sunniuteqarsinnaasoq ilimagineqarpoq.

Assigalugu Kalaallit Nunaata kujataani mittarfeqarfinnut pilersaarutit nutaat Narsarsuup umiarsualivianut sunniuteqassapput. Qaqortumi nutaamik mittarfeqalissappat Narsarsuullu mittarfia pisariaqartinneqarunnaassappat umiarsualiviup ineriertortinneqarnissaa pisariaqartinneqarunnaassaaq.

### **UMIARSUALIVIIT INERIARTORTINNEQARNISSAANNUT PIVIUSUUSAARTITSINEQ**

Nuna tamakkerlugu illoqarfinniit nunaqarfinniillu kissaatigineqarpoq nioqqutissanik inunnillu angallassisarnerit pitsanngorsarneqassasut. Pitsanngorsaanaerit

assersuutigalugu anguneqarsinnaapput umiarsualiviit allineqarnerisigut pitsanngorsaanikkullu.

Immikkoortup siuliani "multi-pupose princip" allaaserineqareerpoq naatsorsuutigineqarporlu atuutsinneqalissasoq umiarsualivinni nuna tamakkerlugu. "Multi-pupose princip"-ip isumagaa inuussutissarsiutit arlallit ataatsikkut ingerlanneqarsinnaanissaat umiarsualivik ataaseq atorlugu. Umiarsualiviit nutarterneqassapput, assigiissaarneqalissapput aamma mattunerulersinneqassapput oqimaannerusunik angallaaffigineqarsinnaanngorlutillu nioqqtissanik oqimaatsunik tulaassuiffigisinnaanngorlugit. Kisialli aamma aalisarnermik inuussutissarsiortunut iluaquaasussanngorlugit. Aqquserngit pitsaasut atajaannartussallu pilersinneqassapput umiarsuarnut inunnik ilaasoqartartut, umiatsiaaqjanik angalasartut aammalu takornariartitsartut umiarsuit pillugit. Tassa majuartarfiit ulittarneranut tinittarnerannullu naleqqussakkat sanaartorneqassapput umiarsualiviit tamakkerlugit, taamaaliornikkut niusarfiiit puttasut pisariaqartinneqarnerat annikillisinneqassaaq.

Umiarsualivinnut pitsanngorsaanerit ingerlaavartumik ingerlanneqassapput aammalu sumiiffiit aalajangersimasukkaarlugit aserfallatsaaluiuinissamut siumut isigaluni pilersaarusiat malillugit. Naatsorsuutigineqarpoq immikkoortumi 9-mi umiarsualiviit taaneqartut siulliunneqassappata umiarsualiviillu sinneruttut akiginiarneqassappata/allanut ingerlateqqitassanngortinneqassappata imaluunniit ingutserneqassappata umiarsualiviit nutaalianngortinneqarsinnaassasut piffissaq ukiut qulit sinnerlugu isigalugu.

Umiarsualivinnik nutarsaanerup umiarsualiviit mattunerulersissavaat sinerissap avataani suliffissuaqarfiiit oqimaatsunik atortuuteqartartunut naleqqunnerulersillugit. Kisiannili inissamik attartornerannut akilersuitissallugit ajornakusuussaaq. Tassami umiarsualiviit piffinni amerlanerpaani inissaaleqipput nunap ilusaanik peqquteqartunik, qaqqat qaarsuillu killilersuisarput umiarsualiviit eqqaanni alliliisoqartarnissaannut. Aammattaaq ataqtatigiissaarneqassaaq ujaasinermi sulisarnerit nunap iluani nuttaqattaartarmata. Taanna najoqqutaralugu ajornakusoopoq pingaarnersiuinissaq umiarsualivinnik inissiisarfinnullu alliliinissamut. Massakkulli pioreersut periarfissat atorneqarsinnaapput assersuutigalugu Sisimiuni kommunip umiarsualivia Namminersorlutik Oqartussallu arealit pigisaat ataatsimoortilerneraagut inissiinissamut atuinissamullu periarfissat pitsanngortinneqassapput.

Sinerissap avataani suliffeqarfutillit kisimiinngillat inissamik pisariaqartitsisut. Angallassassanik assartuisartut aamma inissaaleqisarput containeriutiminnut

illoqarfiillu nunaqarfiillu ilaat pisariaqartitsinerulersimapput nutserarfingineqarnertik ilutigalugu. Ajornartorsiuq aaqqinnejqarsinnaavoq arealinik qaartiterinikkut umiarsualiviit eqqaanni periarfissaqarpas. Tamanna assersuutigalugu Tasiilami periarfissaavoq, illoqarfik suli anginermik inissamik pisariaqartitsivoq assartukkanut containerinullu inissiisarfik suli ulapaarfigineqarneruleriartorluni. Qaqqaq umiarsualivimmiittoq qaartinnejqarsinnaavoq iluaqutaaginnartussatut, inissiisarfik allisiinnarnagu kisialli aamma umiarsualiviup avammut qingaata nalaanut alliliinissamut ujaqqat qaartitat atorneqarsinnaapput.

Nunatsinni umiarsualiviit amerlasuut pisariaqartitsippup pitsangorsarneqarnissaminnut allineqarnissaminnullu. Siusinnerusukkut taaneqartoq aserfallatsaaliuinissamut pilersaarasiaq najoqqutaralugu umiarsualivinnik pingaarnersiukkanik nutarsaanissaq periarfissaassaaq aserfallatsaaliuinissamut aningaasaliissutit annertusineqassappata. Umiarsualiviit nunaat annertuunillu alliliinissat aningaasaliiffingineqarnissaminnik pisariaqartitsippup saniatigut, taakkulu pingaarnersiorlugu tulleriaarneqarnissaat pisariaqarpoq.

Takussutissaq G-mi illoqarfiiit nunaqarfiillu umiarsualiviat allattorsimapput, aamma Namminersorlutik Oqartussat siunissami suliniutissanik naliliinerat allattorsimapput.

## **EQIKKAANEQ TULLERIIAARINERNIK**

Umiarsualiveqarfiit tamakkerlugit 165-inik umiarsualiveqarpoq. Unnersutigineqarpoq umiarsualiviit 95-it tulleriaarinermi salliuinneqassasut Namminersorlutik Oqartussat aserfallatsaaliuinissamut pilersaarasiaanni. Taakku ukiut qulit ingerlaneranni nutarterneqarsimassapput multi-purpose-tullu atuutilersimassallutik. Immikkoortoq 9-mi tulleriaarinerit takuneqarsinnaapput.

Umiarsualiviit 70-it sinneruttut akiginiarneqanngikkunik tunniunneqarsinnaapput kommuninut imaluunniit suliffeqarfinnut namminersortunut, imaluunniit ingutsiinnarneqarsinnaapput. Umiarsualiviit akiginngitsoortut imaluunniit tunniunneqanngitsoortut ingutserneqartariaqaraluarput, tamannalu pisinnaassaaq nunap agguarneqarneri malillugit aserfallatsaaliuinissamik pilersaarummik ingerlatsineq ilutigalugu. Umiarsualiviit ilaat massakkut ingutserneqarnissaminnut piareersimapput.

Aalajangersimasumik alliliinissat tulleriaarinernut marlunnut avinneqarsimapput. Marluullutik nalilersorneqarsimapput timitalimmik pisariaqartinnejqarnertik

aallaavigalugu aammalu inuussutissarsiornermut periarfissiisinnaanerat najoqqutaralugit alliliinerup kingunerisaanik.

## TULLERIIAARINEQ 1

Ilulissat Isfjord UNESCO-p Nunarsuarmiut kingornuttagaata allattorsimaffianut ilanngunnikuuvoq tamannalu peqqutigalugu takornarianit amerlasuunit ornigarluarneqartarluni. Saniatigut illoqarfimmi umiarsualivik qitiulluarpoq qaleralinnianut tunitsivittut, tamannalu isumaqarpoq umiarsuit assigiinngitsorpassuarnik angissusillit talittartut. Ilulissani umiarsualiviup allilerneqarnissaa pingaartinneqarnerpaavoq massakkut pissutsit umiarsualivimmi amitsumi naammaginanngimmata aalaakkaanerujussuarmut aalisartunit, inuussutissarsiutinit allanit, ilaasortaatinik aammalu takornariaqarnermik angallassisunit umiarsuarnit. Suleqatigiissitaliamik pilersitsisoqarnikuovoq misissuisunik qanoq inuiaqatigiit aningaasaqarniarerat sunnertissanersoq umiarsualivik Ilulissani allineqassappat. Kaammattuutigineqarpoq suleqatigiissitaliap aalajangiussaat alliliinissamut tusaatissatut tiguneqassasut.

Tasiilaq suli amerliartortunit takornarianit ornigarneqartarpoq innuttaasullu aamma amerliartuinnavillutik. Innuttaasut amerliartornerat ilutigalugu nioqqutissat illoqarfimmut assartorneqartartut annertusiartuinnarput, umiarsualivilli inissaaleqereerpoq containerinut inissiisarfissaaleqilluni. Siunnersuutigineqarpoq containerinik inissiisarfik allineqassasoq qaarsumik qaartitsinikkut containerinik inissiisarfiup eqqaaniit. Taassuma saniatigut siunnersuutigineqarpoq Atlantkaj-ip immami itissusaa itinerulersinneqassasoq assersuutigalugu Royal Arctic Line-p umiarsuaatai takornariartitsisartullu umiarsuaataat tulassinnaanngorlugit.

Kangerlussuaq ilaatigooriarluni umiarsuamik takornarianik taarsiisarfittut atorneqartarpoq, Kalaallit Nunaanut tikittunut imaluunniit timmisartumut ilaallutik ingerlaqqittussanut. Nunaqarfik angingaatsiarpoq nioqqutissanillu containerikkut pingaaatsiartarluni. Kangerlussuarmi umiarsualiviup imartaata ikkattuarakasiunera pissutigalugu umiarsuit anginerulaartut talissinnaanngillat. Ilaasut nioqqutissallu tamarmik usisaatit ikkattumut naleqqussakkat atorlugit kisimi nunamut pisarput, tamannalu takornariaqartitsisartunik umiarsuarnik tigumminniinnarnissamut naammaginarsoritinneqanngilaq. Mittarfeqarfiup atugaanera ullumikkutut iinnassappat pisariaqartupilussuuvooq umiarsualiviup iluarsartuulluarneqarnissaa. Qeqqata Kommunia soqtiginartupilussuarmik siunnersuuteqarpoq umiarsualivimmik nutaamik anillanganerusumi inissisimasumik massakkut inissisimaffianut sanilliullugu.

Nalunaarusiap naatsorsorpaa umiarsualivitaaq 33,2 mio. koruunit missaanik naleqassasoq. Massakkuugallartoq Kangerlussuup mittarfittut atugaaginnarnissaanut aalajangiinissaq apeqqutaaginnarpoq umiarsualivittaassap aallartinneqarsinnaanissaanut. Tassami ilaasartut Ilulissanut aammalu/imaluunniit Nuummut nuuneqarpata Kangerlussuarmi ilaasut taarserneqartarnissaat ikilissammata, umiarsualivillu tassunga naleqqussartariaqassalluni.

Qeqqata Kommunia Sisimiuni nutaamik umiarsualiviliorikuuvooq kommunimit pigineqartumik, Namminersorlutik Oqartussallu umiarsualiviutaannut qanittumi inissismalluni. Umiarsualivik kommunimit pigineqartoq Namminersorlutik Oqartussallu umiarsualiviutaat iluaqtaasumik ataatsimoortinnejqarsinnaapput taamaalillunilu umiarsualiveqarfik allisillugulu inissiinissamut inissaqartilerlugu ajornaatsunnguamik. Suleqatigiissitaliap kommunip Namminersorlutik Oqartussallu akornanni misissorsimavaat teknikkikut periarfissat inerniliippullu teknikkikut ajoquqissaqanngitsoq katinneqarnissaannut. Taassuma saniatigut pinngortitamut sunniinissamut misissueqqissaarnerup kommunip sanallugu akuerisimasaani aamma akuerineqarpoq umiarsualiviit ataatsimoortinnejqalissasut.

Qaanaaq avannamit-kangisimmit sakkortoorujussuarmik anorlertillugu mallerujussuarterneranit unammilligassaqarpoq, sissamut apuunniartarneq ajornakusoortorujussuusarmat. Taamaattumik umiarsualiveqarfimmik tamatuminnga iluarsiisinnaalumik pisariaqartitsisoqarpoq.

## TULLERIIARINEQ 2

Kommune Kujalleq kissaateqarpoq umiarsuakkut angallannermik aaqqiisoqassasoq Narsap Qaqortullu akornanni, tamannalu Qaqortup qeqertaasaata avannaat tungaani nutaamik umiarsualiviliorissamik pisariaqartitsivoq. Kaammattutigineqarpoq siunissami periarfissaq misissorneqassasoq pisariunngitsumik umiarsualiviliorissamut.

Narsarsuarmi umiarsualivik nutarterneqartariaqarpoq kisiat annertussusissaa mittarfeqarfinnut nunap immikkoortuanut pilersaarutinut naleqqussartariaqarpoq. Mittarfeqarfik pingaerneq Qaqortumut nuunneqassappat Narsarsuarmi nutartigassaagaluit pisariaqarpallaarunnaassapput mittarfiup nunaqarfimmiginnarnissaanut sanilliullugu. Qanorluunniit pisoqaraluarpat Narsarsuarmi umiarsualivik nutarterneqartariaqaraluarpoq oqimaannerusunik

tulaassiffigineqarsinnaalerniassammat nutaalaaнерусунилу  
tulaffigineqarsinnaанngorluni.

Uummannaq Upernavillu sissap innarlitsaalisaарнеqarnissaанник pisariaqartitsipput  
illoqarfiiit malissuarnik qaffiarnernillu eqqorneqartarmata. Tamarmik pitsaanngitsumik  
sunniuteqartarput illoqarfiiit umiarsualiviisa ineriaртornissaraluannut. Sissat  
innarlitsaalisaарнеqassappata naatsorsuutigineqarpoq minnerpaамик 15. mio. koruunit  
atorneqassasut tamarmik immikkut. Kaammattuutigineqarpoq periarfissat  
misissorneqarnerunissaannut aallartisaasoqassasoq sissat  
innarlitsaalisaарнеqarnissaannut.

## **SIUNNERSUUT TULLERIIAARINISSAMUT NUTAAMUT**

Ukiut tallimat qaangiuttut tikillugit umiarsualivinnut oqartussat imatut tulleriiarisorlutsimapput: aserfallatsaalineq, ineriertortitsineq taakkulu kingornatigut aatsaat ingutserineq umiarsualivinnik atorsinnaajunnaarsimasunik.

Aserfallatsaaluiuinissamut suliassat annertungaatsiarsimasut peqqutigalugit tulleriiarineq iluamik malinneqarsimanngilaq. Massakkut aamma aserfallatsaaluiuinissamut suliassat sammineqarnerujussuupput, taakkuli immikkoortumut pilersaarutip suliarineqarnerani qulakkeerneqarput.

Tulleriiarinerli killormut tulleriiarneqartariaqaraluartoq kaammattutiginaraluarpooq. Umiarsualivinnik ullutsinnut naleqqukkunnaarsimasunik atorneqanngitsunillu ingutserinerit aningaasatigut sipaarutaasassagaluarput ukiumoortumik Namminersorlutik Oqartussat aningaasartutissaraluannit. Taamaaliornikkut siunissami aningaasat ineriertortitsinermut atorluarneqarsinnaasalissagaluarput aserfallatsaaluiinerinnaanngitsumullu.

Taassuma saniatigut sipaarniarnissamut periarfissaavoq umiarsualiviit qanoq atugaatigisarnerat isiginiarlugu. Assersuutigalugu, pisortatiguunngitsumik umiarsuit angalasartut avaqqullugit, naatsorsuigaanni umiarsuit tulattartut nunaqarfiiit ataasiakkaarlugit ukiumut, kisitsosit takutippaat ullut unnuillu 3-4-t missaannaat tulaqqasoqartartoq nunaqarfiiit ataasiakkaarlugit ukiumut ullut 365-iusut tamaasa isigalugit. Tassa isumaqarpooq umiarsualiviit akilersorneqartartuuppata pisortanit atorneqassuseq kisimi najoqqutaralugu aningaasaqarniarneq ataqtigiissanngilaq.

Inuaqatigiinnut pisussaaffit avaqqullugit tulleriiarinerit aamma ingerlanneqartariaqarput aserfallatsaaluiuinissamut iluarsartuussinissamullu pisariaqartitat malillugit, aammalu assigiinngitsunut atorneqartarneri aallaavigalugit. Periarfissat aalajangersimasumik tassaapput takornariaqarneq, aalisarneq aatsitassarsiornerlu.

## **NAMMINERSORLUTIK OQARTUSSAT UMIARSUALIVIUTAAT ATAANNARTUSSAT**

Namminersorlutik Oqartussat umiarsualivinnik pisariaqartitsipput inuaqatigiinnut akisussaaffitsik ataqqillugit ingerlatsissagunik: Nioqqutissanik assartuinerit, aalisarnermik inuussutissarsiutilinnut inuussutissarsiutinullu allanut sullissineq, kiisalu ilaasortatsinnik angallassinerit. Umiarsualiviilli amerlavallaarput massakkut pisariaqartinneqartunut sanilliullugit taamaammat ikilisarneqarsinnaapput.

Naatsorsutigineqarpoq pisariaqartinneqartut 3/5-inik annertussuseqalaaginnartut massakkuugallartoq umiarsualivinnut pilersaarusiaq isigalugu. Sinneruttut 2/5-it tunniunneqarnissaat imaluunniit ingutserneqarnissaat piffissami qanittumi aallartisarneqarsinnaapput.

Ataani allatorsimapput umiarsualiviit ataannartussatut innersuussutigineqartut Namminersorlutik Oqartussat iluanni. Nutarsaanikkut allanngorsaanikkullu multi-purpose-inngornikkut inuiaqatigiinnut akisussaaffitik ataqqillugit ingerlatsisinnaasut.

Takussutissiaq 4. Umiarsualiviit ataannartinneqarumasut Kommune Kujalleq Namminersorlutik Oqartussat ataani.

Kommune Kujalleq		
Iloqarfik	Umiarsualivik	Amerlassusaat
Nanortalik	010.04, 010.05	2
Qaqortoq	020.03, 020.04	2
Narsaq	030.04	1
Nunaqarfik	Umiarsualivik	Amerlassusaat
Aappilattoq	012.01	1
Narsaq Kujalleq	013.02	1
Tasiusaq	014.01	1
Ammassivik	016.01	1
Alluitsup Paa	018.02	1
Saarloq	021.01	1
Egalugaarsuit	022.02	1
Qassimiut	024.02	1
Igaliku	032.01	1
Narsarsuaq	033.01	1
Qassiarsuk	035.01	1
<b>Katillugit</b>		<b>16</b>

Takussutissiaq 5. Umiarsualiviit ataannartinneqarumasut Kommuneqarfik Sermersuumi Namminersorlutik Oqartussat ataani.

Kommuneqarfik Sermersooq		
Iloqarfik	Umiarsualivik	Amerlassusaat
Paamiut	050.06, 050.07	2
Tasiilaq	180.01, 180.02 og 180.03	3
Ittoqqortoormiit	190.02	1
Nunaqarfik	Umiarsualivik	Amerlassusaat

Arsuk	051.01	1
Qeqertarsuatsiaat	060.01, 061.03	2
Kapisillit	065.01	1
Sermiligaaq	182.01	1
Isortoq	183.01	1
Kulusuk	184.02, 180.03	2
Tiniteqilaaq	185.01	1
Kuummiut	186.01	1
<b>Katillugit</b>		<b>16</b>

Takussutissiaq 6. Umiarsualivit ataannartinneqarumasut Qeqqata Kommuniani Namminersorlutik Oqartussat ataani.

Qeqqata Kommunia		
Illuqarfik	Umiarsualivik	Amerlassusaat
Maniitsoq	070.04, 070.09, 070.10	3
Sisimiut	080.02, 080.09, 080.12	3
Nunaqarfik	Umiarsualivik	Amerlassusaat
Atammik	071.01, 071.02	2
Napasooq	072.01	1
Kangaamiut	073.01, 073.02	2
Itilleq	081.01	1
Kangerlussuaq	082.01, 082.04	2
Sarfanguit	083.01	1
<b>Katillugit</b>		<b>15</b>

Takussutissiaq 7. Umiarsualivit ataannartinneqarumasut Qaasuitsup Kommuniani Namminersorlutik Oqartussat ataani.

Qaasuitsup Kommunia		
Illuqarfik	Umiarsualivik	Amerlassusaat
Kangaatsiaq	090.01, 090.02	2
Aasiaat	100.01, 100.07	2
Qasigiannguit	110.02, -03, -04, -06	4
Ilulissat	120.01, -02, -04, -06	4
Qeqertarsuaq	140.03	1
Uummannaq	150.02, 150.05	2
Upernivik	160.01, 160.05, 160.07	3
Nunaqarfik	Umiarsualivik	Amerlassusaat

Attu	092.02, 092.03	2
Iginniarfik	095.01	1
Niaqornaarsuk	096.01, 096.02	2
Ikerasaarsuk	098.01	1
Akunnaaq	103.01	1
Kitsissuarsuit	104.02	1
Ikamiut	111.03	1
Oqaatsut	121.01	1
Qeqertaq	122.02	1
Saqqaq	123.01	1
Ilimanaq	124.01, 124.02	2
Kangerluk	143.01	1
Niaqornat	151.01	1
Qaarsut	152.01	1
Ikerasak	153.01, 153.02	2
Saattut	154.01	1
Ukkusissat	155.01	1
Illorsuit	156.01	1
Nuugaatsiaq	157.01	1
Upernavik Kujalleq	161.01	1
Kangersuatsiaq	162.01	1
Aappilattoq	163.01	1
Tasiusaq	165.01	1
Nuussuaq	166.01	1
Kullorsuaq	167.01	1
Innaarsuit	169.01	1
<b>Katillugit</b>		<b>48</b>